

觀經正宗分散善義卷第四

沙門善導集記

從此已下次解三輩散善一門之義就此義中卽有  
其二一明三福以爲正因二明九品以爲正行今言  
三福者第一福卽是世俗善根曾來未聞佛法但自  
行孝養仁義禮智信故名世俗善也第二福者此名  
戒善就此戒中卽有人天聲聞菩薩等戒其中或有  
具受不具受或有具持不具持但能迴向盡得往生  
第三福者名爲行善此是發大乘心凡夫自能行行

兼勸有緣捨惡持心迴生淨土又就此三福之中或  
有一人單行世福迴亦得生或有一人單行戒福迴  
亦得生或有一人單行行福迴亦得生或有一人行  
上二福迴亦得生或有一人行下二福迴亦得生或  
有一人具行三福迴亦得生或有人等三福俱不行  
者卽名十惡邪見闡提人也言九品者至文當辨應  
知今略料簡三福筭別義意竟十四就上輩觀行善  
文前總料簡卽爲十一門一者總明告命二者辨定  
其位三者總舉有緣之類四者辨定三心以爲正因

五者正明簡機堪與不堪六者正明受法不同七者  
正明修業時節延促有異八者明迴所修行願生彌  
陀佛國九者明臨命終時聖來迎接不同十時遲疾  
十者明到彼華開遲疾不同十一者明華開已後得  
益有異今此十一門義者約對九品之文就一一品  
中皆有此十一卽爲一百番義也又此十一門義就  
上輩文前總料簡亦得或就中下輩文前各料簡亦  
得又此義若以文來勘者卽有具不具雖有隱顯若  
據其道理悉皆合有爲此因緣故須廣開顯出欲令

先就上品  
已下至意  
業輕賤乃  
至依正二  
報二卷鈔  
下初抄  
田且取意  
消秋已下  
文可披卷  
見  
從何等下  
至亦通撰  
定善之義  
應知信卷  
本略抄出  
中略言自  
利真實等  
二百九十六  
又略又深  
信等五明  
四重破人  
文又略次  
就立信  
等八一百  
七字又略  
若修前正  
助等八三  
十六字又  
略言回向  
等八六十  
三字又略  
文類三心  
經下抄出  
至者真誠  
者實六字  
欲回此下

依行者易解易識也上來雖有十一門不同廣料簡  
上輩二品義意竟次下先就上品上生位中亦先舉  
次辨後結卽有其十二一從佛告阿難已下卽雙標  
二意一明告命二明辨定其位此卽修學大乘上善  
凡夫人也三從若有衆生下至卽便往生已來正明  
總舉有生之類卽有其四一明能信之人二明求願  
往生三明發心多少四明得生之益四從何等爲三  
下至必生彼國已來正明辨定三心以爲正因卽有  
其二一明世尊隨機顯益意密難知非佛自問自徵

無由得解二明如來還自答前三心之數經云一者  
至誠心至者真誠者實欲明一切衆生身口意業所  
修解行必須真實心中作不得外現賢善精進之相  
內懷虛假貪瞋邪僞奸詐百端惡性難侵事同蛇蝎  
雖起三業名爲雜毒之善亦名虛假之行不名真實  
業也若作如此安心起行者縱使苦勵身心日夜十  
二時急走急作如灸頭然者衆名雜毒之善欲迴此  
雜毒之行求生彼佛淨土者此必不可也何以故正  
由彼阿彌陀佛因中行菩薩行時乃至一念一刹那

至故名至誠心信卷  
本抄抄出  
中略言自  
利真實等  
言凡六字  
苦勵身心  
等文畧文  
類信樂釈  
下取意略  
抄  
又真實下  
至使人欣  
慕化土卷  
本抄抄出  
中略不善  
等二百二  
十一字

三業所修皆是真實心中作凡所施為趣求亦皆真  
實又真實有二種一者自利真實二者利他真實言  
自利真實者復有二種一者真實心中制捨自他諸  
惡及穢國等行住坐臥想同一切菩薩制捨諸惡我  
亦如是也二者真實心中勤修自他凡聖等善真實  
心中口業讚歎彼阿彌陀佛及依正二報又真實心  
中口業毀厭三界六道等自他依正二報苦惡之事  
亦讚歎一切衆生三業所為善若非善業者敬而遠  
之亦不隨喜也又真實心中身業合掌禮敬四事等

供養彼阿彌陀佛及依正二報又真實心中身業輕  
慢厭捨此生死三界等自他依正二報又真實心中  
意業思想觀察憶念彼阿彌陀佛及依正二報如現  
目前又真實心中意業輕賤厭捨此生死三界等自  
他依正二報不善三業必須真實心中捨又若起善  
三業者必須真實心中作不簡內外明闇皆須真實  
故名至誠心二者深心言深心者即是深信之心也  
亦有二種一者決定深信自身現是罪惡生死凡夫  
曠劫已來常沒常流轉無有出離之緣二者決定深

又淺深  
信亦陀下  
至得生化  
土卷本礎  
抄出

信彼阿彌陀佛四十八願攝受衆生無疑無慮乘彼  
願力定得往生又決定深信釋迦佛說此觀經三福  
九品定散二善證讚彼佛依正二報使人欣慕又決  
定深信彌陀經中十方恒沙諸佛證勸一切凡夫決  
定得生又深信者仰願一切行者等一心唯信佛語  
不顧身命決定依行佛遣捨者即捨佛遣行者即行  
佛遣太處即太是名隨順佛教隨順佛意是名隨順  
佛願是名真佛弟子又一切行者但能依此經深信  
行者必不誤衆生也何以故佛是滿足大悲人故實

語故除佛已還智行未滿在其學地由有正智二障  
未除果願未圓此等凡聖縱使測量諸佛教意未能  
決了雖有平章要須請佛證為定也若稱佛意即即  
可言如是如是若不可佛意者即言汝等所說是義  
不如是不印者即同無記無利無益之語佛印可者  
即隨順佛之正教若佛所有言說即是正教正義正  
行正解正業正智若多若少衆不問菩薩人天等定  
其是非也若佛所說即是了教菩薩等說盡名不了  
教也應知是故今時仰勸一切有緣往生人等唯可

又深心下  
至傾動也  
化土卷本  
左抄出

深信佛語專注奉行不可信用菩薩等不相應教以  
為疑礙抱惑自迷廢失往生之大益也又深心深信  
者決定建立自心順教修行永除疑錯不為一切別  
解別行異學異見異執之所退失傾動也問曰凡夫  
智淺惑障處深若逢解行不同人多引經論來相妨  
難證云一切罪障凡夫不得往生者云何對治彼難  
成就信心決定直進不生怯退也答曰若有人多引  
經論證云不生者行者即報云仁者雖將經論來證  
道不生如我意者決定不受汝破何以故然我亦不

是不信彼諸經論盡皆仰信然佛說彼經時處別時  
別對機別利益別又說彼經時即非說觀經弥陀經  
等時然佛說教備機時亦不同彼即通說人天菩薩  
之解行今說觀經定散二善唯為韋提及佛滅後五  
濁五苦等一切凡夫證言得生為此因緣我今一心  
依此佛教決定奉行縱使汝等百千萬億道不生者  
唯增長成就我往生信心也又行者更向說言仁者  
善聽我今為汝更說決定信相縱使地前菩薩羅漢  
辟支等若一若多乃至徧滿十方皆引經論證言不

生者我亦未起一念疑心唯增長成就我清淨信心何以故由佛語決定成就了義不為一切所破壞故又行者善聽縱使初地已上十地已來若一若多乃至徧滿十方異口同音皆云釋迦佛指讚弥陀毀皆三界六道勸勵衆生專心念佛及修餘善畢此一身後必定生彼國者此必虛妄不可依信也我雖聞此等所說亦不生一念疑心唯增長成就我決定上上信心何以故乃由佛語真實決了義故佛是實知實解實見實證非是疑惑心中語故又不為一切菩薩

異見異解之所破壞若實是菩薩者衆不違佛教也又置此事行者當知縱使化佛報佛若一若多乃至徧滿十方各各輝光吐舌徧覆十方一一說言釋迦所說相讚勸發一切凡夫專心念佛及修餘善迴願得生彼淨土者此是虛妄定無此事也我雖聞此等諸佛所說畢竟不起一念疑退之心畏不得生彼佛國也何以故一佛一切佛所有知見解行證悟果位大悲等同無少差別是故一佛所制卽一切佛同制如似前佛制斷殺生十惡等罪畢竟不犯不行者卽

諸佛身  
至就全  
信也化土  
卷本抄  
出中略  
迎讚擊  
十字又  
衆生下  
惡見二  
俱信卷  
引如現

名十善十行隨順六度之義若有後佛出世豈可改  
前十善令行十惡也以此道理推驗明知諸佛言行  
不相違失縱令釋迦指勸一切凡夫盡此一身專念  
專修捨命已後定生彼國者卽十方諸佛悉皆同讚  
同勸同證何以故同體大悲故一佛所化卽是一切  
佛化一切佛化卽是一佛所化卽弥陀經中說釋迦  
讚歎極樂種種莊嚴又勸一切凡夫一日七日一心  
專念弥陀名號定得往生次下文云十方各有恒河  
沙等諸佛同讚釋迦能於五濁惡時惡世界惡衆生

劫佛上祖  
本無卽字  
次就行下  
至故名回  
向發願心  
也化土卷  
本抄抄出

惡見惡煩惱惡邪無信盛時指讚弥陀名號勸勵衆  
生稱念必得往生卽其證也又十方佛等恐畏衆生  
不信釋迦一佛所說卽其同心同時各出舌相徧覆  
三千世界說誠實言汝等衆生皆應信是釋迦所說  
所讚所證一切凡夫不問罪福多少時節久近但能  
上盡百年下至一日七日一心專念弥陀名號定得  
往生必無疑也是故一佛所說卽一切佛同證誠其  
事也此名就人立信也次就行立信者然行有二種  
一者正行二者雜行言正行者專依往生經行行者



一心專念  
四字信卷  
未切抄  
出又略支  
類三心狀  
下略抄另  
至正定之  
義

是名正行何者是也一心專讀誦此觀經弥陀經無  
量壽經等一心專注思想觀察憶念彼國二報莊嚴  
若禮卽一心專禮彼佛若口稱卽一心專稱彼佛若  
讚歎供養卽一心專讚歎供養是名爲正又就此正  
中復有二種一者一心專念弥陀名號行住坐臥不  
問時節久近念念不捨者是名正定之業順彼佛願  
改若依禮誦等卽名爲助業除此正助二行已外自  
餘諸善悉名雜行若修前正助二行心常親近憶念  
不斷名爲無間也若行後雜行卽心常間斷雖可迴

又回向下  
至大益也  
信卷本  
抄出然後  
願下無願  
字又投作  
提  
略文類三  
心經下抄  
出此心深  
信由若金  
剛八字

向得生衆名疎雜之行也故名淡心三者迴向發願  
心言迴向發願心者過去及以今生身口意業所修  
世出世善根及隨喜他一切凡聖身口意業所修世  
出世善根以此自他所修善根悉皆真實淡信心中  
迴向願生彼國故名迴向發願心也又迴向發願願  
生者必須決定真實心中迴向願作得生想此心淡  
信由若金剛不爲一切異見異學別解別行人等之  
所動亂破壞唯是決定一心投正直進不得聞彼人  
語卽有進退心生怯弱迴願落道卽失往生之大益

改善義

也問曰若有解行不同邪雜人等來相惑亂或說種種疑難導不得往生或云汝等衆生曠劫已來及以今生身口意業於一切凡聖身上具造十惡五逆四重謫汰闡提破戒破見等罪未能除盡然此等之罪繫屬三界惡道云何一生修福念佛卽入彼無漏無生之國永得證悟不退位也答曰諸佛教行數越塵沙稟識機緣隨情非譬如世間人眼可見可信者如明能破闇空能容有地能載養水能生潤火能成壤如此等事悉名待對之法卽目可見千筭萬別何

沉佛汰不思議之力豈無種種益也隨出一門者卽出一煩惱門也隨入一門者卽入一解脫智慧門也爲此隨緣起行各求解脫汝何以乃將非有緣之要行障惑於我然我之所愛卽是我有緣之行卽非汝所求汝之所愛卽是汝有緣之行亦非我所求是故各隨所樂而修其行者必疾得解脫也行者當知若欲學解從凡至聖乃至佛果一切無礙皆得學也若欲學行者必藉有緣之法少用功勞多得益也又白一切往生人等今更爲行者說一譬喻守護信心以

甲路下祖  
本亦見字

防外邪異見之難何者是也譬如有人欲向西行百  
 千之里忽然中路見有二河一是火河在南一是水  
 河在北二河各闊百步各深無底南北無邊正水火  
 中間有一白道可闊四五寸許此道從東岸至西岸  
 亦長百步其水波浪交過溼道其火燄亦來燒道水  
 火相交常無休息此人既至空曠迥處更無人物多  
 有羣賊惡獸見此人單獨競來欲殺此人怖於直走  
 向西忽然見此大河即自念言此河南北不見邊畔  
 中間見一白道極是狹小二岸相去雖近何由可行今

西岸已下  
至水火之  
難略文類  
三心邪下  
抄出

日定於不疑正欲到迴羣賊惡獸漸漸來逼正欲南  
 北避走惡獸毒蟲競來向我正欲向西尋道而公復  
 恐墮此水火二河當時惶怖不復可言即自思念我  
 今迴亦於往亦於去亦於一不勉於者我寧尋此  
 道向前而太既有此道必應可度作此念時東岸忽  
 聞人勸聲仁者但決定尋此道行必無死難若住即  
 於又西岸上有人喚言汝一心正念直來我能護汝  
 衆不畏墮於水火之難此人既聞此遣彼喚即自正  
 當身心決定尋道直進不生疑怯退心或行一分二

中間曰下  
至在生心  
也略文類  
三心終下  
抄出

分東岸羣賊等喚言仁者迴來此道險惡不得過必  
 死不疑我等衆無惡心相向此人雖聞喚聲亦不迴  
 顧一心直進念道而行須臾即到西岸永離諸難善  
 友相見慶樂無已此是喻也次合喻者言東岸者即  
 喻此娑婆之火宅也言西岸者即喻極樂寶國也言  
 羣賊惡獸詐親者即喻衆生六根六識六塵五陰四  
 大也言無人空迴澤者即喻常隨惡友不值真善知  
 識也言水火二河者即喻衆生貪愛如水瞋憎如火  
 也言中間白道四五寸者即喻衆生貪瞋煩惱中能  
 生清淨願往生心也乃由貪瞋強故即喻如水火善  
 心微故喻如白道又水波常溼道者即喻愛心常起  
 能染汚善心也又火燄常燒道者即喻瞋嫌之心能  
 燒功德之汰財也言人行道上直向西者即喻迴諸  
 行業直向西方也言東岸聞人聲勸遺尋道直西進  
 者即喻釋迦已滅後人不見由有教法可尋即喻之  
 如聲也言或行一分二分羣賊等喚迴者即喻別解  
 別行惡見人等接說見解迭相惑亂及自造罪退失  
 也言西岸上有人喚者即喻弥陀願意也言須臾到

收書卷

淪迴學本  
作輪回  
仰蒙慈  
下至力之  
道略文類  
三心類下  
取意略抄

西岸善友相見喜者卽喻衆生久沈生死曠劫淪迴  
迷倒自纏無由解脫仰蒙釋迦發遣指回西方又藉  
弥陀悲心招喚今信順二尊之意不顧水火二河念  
念無遺乘彼願力之道捨命已後得生彼國與佛相  
見慶喜何極也又一切行者行住坐臥三業所修無  
問晝夜時節常作此解常作此想故名回向發願心  
又言回向者生彼國已還起大悲回入生處教化衆  
生亦名回向也三心既具無行不成願行既成若不  
生者無有是處也又此三心亦通攝定善之義應知  
五從復有三種衆生已下正明簡機堪能奉法依教  
修行六從何等爲二下至六念已來正明受法不同  
卽有其三一明慈心不殺然殺業有多種或有口殺  
或有身殺或有心殺言口殺者處分許可名爲口殺  
言身殺者動身手等指授名爲身殺言心殺者思念  
方便計校等名爲心殺若論殺業不簡四生皆能招  
罪障生淨土但於一切生命起於慈心者卽是施一  
切衆生壽命安樂亦是最上勝妙戒也此卽合上初  
福第三句云慈心不殺也卽有止行二善自不殺故

名止善教他不殺故名行善自他初斷名止善畢竟  
永除名行善雖有止持二善總結成慈下行也言具  
諸戒行者若約人天二乘之器卽名小戒若約大心  
大行之人卽名菩薩戒此戒若以位約者當此上輩  
三位者卽名菩薩戒正由人位定故自然轉成卽合  
上第二福戒分善根也二明讀誦大乘者此明衆生  
性習不同執法各異前第一人但用修慈持戒爲能  
次第二人唯將讀誦大乘爲是然戒卽能持五乘三  
佛之機法卽熏成三賢十地萬行之智慧若以德用

來比較者各有一能卽合上第三福第三句云讀誦  
大乘也三明修行六念者所謂念佛念僧念戒捨天  
等此亦通合上第三福大乘之意義也言念佛者卽  
專念阿彌陀佛口業功德身業功德意業功德一切  
諸佛亦如是又一心專念諸佛所證之法并諸眷屬  
菩薩僧又念諸佛之戒及念過去諸佛現在菩薩等  
難作能作難捨能捨內捨外捨內外捨此等菩薩但  
欲念法不惜身財行者等旣念知此事卽須常作仰  
學前賢後聖捨身命意也又念天者卽是最後身十

地之菩薩此等難行之行已過三祇之劫已超萬德  
之行已成灌頂之位已證行者等既念知已卽自思  
念我身無際已來其他同時發願斷惡行菩薩道他  
盡不惜身命行道進位因圓果熟證聖者踰於大地  
微塵然我等凡夫乃至今日虛然流浪煩惱惡障轉  
轉增多福慧微微若對重昏之臨明鏡也忽思忖此  
事不勝心驚悲歎者哉七從回向發願已下正明各  
各回前所修之業向所求處八從具此功德已下正  
明修行時節延促上盡一形下至一日一時一念等  
或從一念十念至一時一日一形大意者一發心已  
後誓畢此生無有退轉唯以淨土爲期又言具此功  
德者或一人具上二或一人具下二或一人三種盡  
具或有人三種無分者名作者人皮畜生非多人也  
又不問具三不具三迴盡得往生應知九從生彼國  
時下至往生彼國已來正明臨命終時聖來迎接不  
同太時遲疾卽有其十一一明標定所歸之國二明  
重顯其行指出決定精勤者亦是校量功德強弱三  
明弥陀化主身自來赴四明觀音已下更顯無數大

衆等皆從彌陀來迎行者五明寶宮隨衆六明重觀  
音勢志共執金臺至行者前七明彌陀放光照行者  
之身八明佛既舒光照及卽與化佛等同時接手九  
明旣接昇臺觀音等同聲讚勸行者之心十明自見  
乘臺從佛十一正明太時遲疾十從生彼國已下正  
明金臺到彼更無華合之障十一從見佛色身下至  
陀羅尼門已來正明金臺到後得益不同卽有其三  
一者初聞妙法卽悟無生二者須臾歷事次第授記  
三者本國他方更證聞持二益十二從是名已下總  
結上來雖有十二句不同廣解上品上生義竟

次就上品中生位中亦先舉次辨後結卽有其八一  
從上品中生者已下總舉位名卽是大乘次善凡夫  
人也二從不必受持下至生彼國已來正明第六第  
七第八門中迴所修業定指西方卽有其四一明受  
法不定或得讀誦不得讀誦二明善解大乘空義或  
聽聞諸法一切皆空生死無爲亦空凡聖明闇亦空  
世間六道出世間三賢十聖等若望其體性畢竟不  
二雖聞此說其心坦然不生疑滯也三明深信世出



世苦樂二種因果此等因果及諸道理不生疑謗若  
生疑謗卽不成福行世間果報尚不可得何況得生  
淨土此卽合第三福第二第三句也四明回前所業  
標指所歸二從行此行者下至迎接汝已來正明彌  
陀與諸聖衆持臺來應卽有其五一明行者命延不  
久二明彌陀與衆自來三明侍者持臺至行者前四  
明佛與聖衆同聲讚歎述本所修之業五明佛恐行  
者懷疑故言我來迎汝四從與千化佛下至七寶池  
中已來正明第九門中衆聖授手太時遲疾卽有其  
五一明弥陀與千化佛同時授手二明行者旣蒙授  
手卽自見身已身坐紫金之臺三旣自見坐臺合  
掌仰讚弥陀等衆四明正太時遲疾五明到彼止住  
寶池之內五從此紫金臺已下正明第十門中到彼  
華開時節不同由行強故上上卽得金剛臺由行劣  
故上中卽得紫金臺生在寶池逕宿如開也六從佛  
及菩薩俱時放光下至得不退轉已來正明第十一  
門中華開已後得益不同卽有其五一明佛光照身  
二明行者旣蒙照體目卽開明三明人中所習到彼

衆聲所彰還聞其法四明既得眼開聞法卽下金臺  
親到佛邊歌揚讚德五明逕時七日卽得無生言七  
日者恐此間七日不指彼國七日也此間逕於七日  
者彼處卽是一念須臾間也應知七從應時卽能飛  
至十方下至現前授記已來正明他方得益卽有其  
五一明身至十方二明一一歷供諸佛三明修多三  
昧四明延時得忍五明一一佛邊現蒙授記八從是  
名已下總結上來雖有八句不同廣解上品中生竟  
次就上品下生位中亦先舉次辨後結卽有其八一  
從上品下生者已下總舉位名卽是大乘下善凡夫  
人也二從亦信因果下至無上道心已來正明第六  
門中受法不同卽有其三一明所信因果不定或信  
不信故名爲亦或可亦同前深信也又雖信不深信  
心數退惡法數起此乃由不深信苦樂因果也若深  
信生死苦者罪業畢竟不重犯若深信淨土無爲樂  
者善心一發永無退失也二明信雖間斷於一切大  
乘不得疑謗若起疑謗者縱使千佛繞身無由可救  
也三明已上諸善似亦無功唯發一念厭苦樂生諸

佛境界速滿菩薩大悲願行還入生處普度衆生故名發菩提心也此義第三福中已明竟三從以此功德已下正明第八門中回前正行向所求處四從行者命欲終時下至七寶池中已來正明第九門中臨終聖來迎接太時遲疾卽有其九一明命延不久二明弥陀與諸聖衆持金華來應三明化佛同時授手四明聖衆同聲等讚五明行者罪滅故云清淨述本所修故云發無上道心六明行者雖覩靈儀疑心恐不得往生是故聖衆同聲告言我來迎汝七明旣蒙告及卽見自身已坐金華之上籠籠而合八明隨佛身後一念卽生九明到彼在寶池中五從一日一夜已下正明第十門中到彼華開時節不同六從七日之中下至皆演妙法已來正明第十一門中華開已後得益不同七從遊歷十方下至住歡喜地已來正明他方得益亦名後益也八從是名已下總結上來雖有八句不同廣解上品下生竟讚云上輩上行上根人求生淨土斷貪瞋就行筌別分三品五門相續助三因一日七日專精進畢命乘

臺出六塵慶哉難逢今得遇永證無為法性身上來  
雖有三位不同總解上輩一門之義竟

十五就中輩觀行善文前總料簡卽為十一門一者

總明告命二者正明辨定其位三者正明總舉有緣

之類四者正明辨定三心以為正因五者正明簡機

堪與不堪六者正明授法不同七者正明修業時節

延促有異八者正明迴所修行願生弥陀佛國九者

正明臨命終時聖來迎接不同十者正明

到彼華開遲疾不同十一者正明華開已後得益有

異上來雖有十一門不同廣料簡中輩三品竟

次就中品上生位中亦先舉次辨後結卽有其八

從佛告阿難已下總明告命二從中品上生者正明

辨定其位卽是小乘根性上善凡夫人也三從若有

衆生下至無衆過患已來正明第五第六門中受法

不同卽有其四一明簡機堪與不堪二明受持小乘

齋戒等三明小戒力微不消五逆之罪四明雖持小

戒等不得有犯設有餘愆恒須改悔必令清淨此卽

合上第二戒善之福也然修戒時或是終身或一

臺出六塵慶哉難逢今得遇永證無爲法性身上來  
雖有三位不同總解上輩一門之義竟

十五就中輩觀行善文前總料簡卽爲十一門一者  
總明告命二者正明辨定其位三者正明總舉有緣  
之類四者正明辨定三心以爲正因五者正明簡機  
堪與不堪六者正明授法不同七者正明修業時節  
延促有異八者正明迴所修行願生彌陀佛國九者  
正明臨命終時聖來迎接不同十者正明  
到彼華開遲疾不同十一者正明華開已後得益有

異上來雖有十一門不同廣料簡中輩三品竟

次就中品上生位中亦先舉次辨後結卽有其八一  
從佛告阿難已下總明告命二從中品上生者正明  
辨定其位卽是小乘根性上善凡夫人也三從若有  
衆生下至無衆過患已來正明第五第六門中受法  
不同卽有其四一明簡機堪與不堪二明受持小乘  
齋戒等三明小戒力微不消五逆之罪四明雖持小  
戒等不得有犯設有餘愆恒須改悔必令清淨此卽  
合上第二戒善之福也然修戒時或是終身或二年

一月一日一夜一時等此時亦不定大意皆畢命爲期不得毀犯也四從以此善根回向已下正明第八門中回所修業向所求處五從臨命終時下至極樂世界已來正明第九門中終時聖來迎接不同太時遲疾卽有其六一明命延不久二明弥陀與比丘衆來無有菩薩由是小乘根性還感小根之衆也三明佛放金光照行者身四明佛爲說法又讚出家離多衆苦種種俗緣家業王官長征遠防等汝今出家仰於四輩萬事不憂迴然自在太住無障爲此得修道業是故讚云離衆苦也五明行者旣見聞已不勝欣熹卽自見身已坐華臺低頭禮佛六明行者低頭在此舉頭已在彼國也六從蓮華尋開者正明第十門中到彼華開遲疾不同七從當華敷時下至八解脫已來正明第十一門中華開已後得益不同卽有其三一明寶華尋發此由戒行精強故也二明法音同讚四諦之德三明到彼聞說四諦卽獲羅漢之果言羅漢者此云無生亦云無著因已故無生果喪故無著言三明者宿命明天眼明漏盡明也言八解脫者

內有色外觀色一解脫內無色外觀色二解脫不淨相三解脫四空及滅盡總成八也八從是名已下總結上來雖有八句不同廣解中品上生竟

次就中品中生位中亦先舉次辨後結卽有其七一從中品中生者總舉行名辨定其位卽是小乘下善凡夫人也二從若有衆生下至威儀無缺已來正明第五六七門中簡機時分受法等不同卽有其三二明受持八戒齋三明受持沙弥戒三明受持具足戒此三品戒皆同一日一夜清淨無犯乃至輕罪如犯

極重之過三業威儀不令有失也此卽合上第二福應知三從以此功德已下正明回所修業向所求處四從戒香熏修下至七寶池中已來正明第九門中行著終時聖來迎接去時遲疾卽有其八一明命延不久二明弥陀與諸比丘衆來三明佛放金光照行者身四明比丘持華來現五明行者自見聞空聲等讚六明佛讚言汝深信佛語隨順無疑故來迎汝七明旣蒙佛讚卽見自坐華座坐已華合八明華旣合已卽入西方寶池之內五從經於七日已下正明第

十門中到彼華開時節不同六從華既敷已下至成羅漢已來正明第十一門中華開已後得益不同卽有其四一明華開見佛二明合掌讚佛三明聞法得於初果四明經半劫已方成羅漢七從是名已下總結上來雖有七句不同廣解中品中生竟

次就中品下生位中亦先舉次辨後結卽有其七一從中品下生已下正明總舉行名辨定其位卽是世善上福凡夫人也二從若有善男子下至行世仁慈已來正明第五第六門中簡機授法不同卽有其四

一明簡機二明孝養父母奉順六親卽合上初福第一第二句三明此人性調柔善不簡自他見物遭苦起於慈敬四正明此品之人不曾見聞佛法亦不解怖求但自行孝養也應知三從此人命欲終時下至四十八願已來正明第八門中臨終遇逢佛法時節分齊四從聞此事已下至極樂世界已來正明第九門中得生之益忒時遲疾也五從生經七日者正明第十門中到彼華開不開爲異六從遇觀世音下至成羅漢已來正明第十一門中華開已後得益不



同卽有其三一明逕時已後得遇觀音大勢二明既逢二聖得聞妙法三明逕一小劫已後始悟羅漢也七從是名已下總結上來雖有七句不同廣解中品下生竟

讚云中輩中行中根人一日齋戒處金蓮孝養父母教回向爲說西方快樂因佛與聲聞衆來取直到弥陀華座邊百寶華籠經七日三品蓮開證小真上來雖有二位不同總解中輩一門之義竟

十六就下輩觀善惡二行文前料簡卽爲十一門一者總明告命二者辨定其位三者總舉有緣生類四者辨定三心以爲正因五者簡機堪與不堪六者明受苦樂二法不同七者明修業時節延促有異八者明迴所修行向所求處九者明臨終時聖來迎接不同十時遲疾十者明到彼華開遲疾不同十一者明華開已後得益有異上來雖有十一門不同總料簡下輩三位竟

次就下品上生位中亦先舉次辨後結卽有其九一從佛告阿難曰下正明告命二從下品上生者正明

辨定其位卽是造十惡輕罪凡夫人也三從或有衆  
生下至無有慚愧已來正明第五門中簡機舉出一  
生已來造惡輕重之相卽有其五一明總舉造惡之  
機二明造作衆惡三明雖作衆罪於諸大乘不生誹  
謗四明重牒造惡之人非智者之類也五明此等愚  
人雖造衆罪總不生愧心四從命欲終時下至生人  
之罪已來正明造惡人等臨終遇善聞法卽有其六  
一明命延不久二明忽遇往生善知識三明善人爲  
讚衆經四明已聞經功力除罪千劫五明智者轉教  
稱念弥陀之號六明以稱弥陀名故除罪五百萬劫  
問曰何故聞經十二部但除罪千劫稱佛一聲卽除  
罪五百萬劫者何意也答曰造罪之人障重加以夙  
昔來逼善人雖說多經凜受之心淨散由心散故除  
罪稍輕又佛名是一卽能攝散以住心復教令正念  
稱名由心重故卽能除罪多劫也五從爾時彼佛下  
至生寶池中已來正明第九門中終時化衆來迎去  
時遲疾卽有其六一明行者正稱名時彼弥陀卽遣  
化衆應聲來現二明化衆旣已身現卽同讚行人三

然望下  
至應化  
抄出

明所聞化讚但述稱佛之功我來迎汝不論聞經之  
 事然望佛願意者唯勸正念稱名往生義疾不同雜  
 散之業如此經及諸部中處處廣歎勸令稱名將為  
 要益也應知四明既蒙化衆告及即見光明徧室五  
 明既蒙光照報命尋終六明乘華從佛生寶池中六  
 從經七日已下正明第十門中到彼華開遲疾不同  
 七從當華敷時下至得入初地已來正明第十一門  
 中華開已後得益有異即有其五一明觀音等先放  
 神光二明身赴行者寶華之側三明為說前生所聞  
 之教四明行者聞已領解發心五明遠逕多劫證臨  
 百法之位也八從是名已下總結九從得聞佛名已  
 下重舉行者之益非但念佛獨得往生法僧通念亦  
 得本也上來雖有九句不同廣解下品上生竟  
 次就下品中生位中亦先舉次辨後結即有其七一  
 從佛告阿難已下總明告命二從下品中生者正明  
 辨定其位即是破戒次罪凡夫人也三從或有衆生  
 下至應墮地獄已來正明第五第六門中簡機造業  
 即有其七一明總舉造惡之機二明多犯諸戒三明

偷盜僧物四明邪命說法五明總無愧心六明兼造  
衆罪內心發惡外卽身口爲惡旣自身不善又見者  
皆憎故云諸惡心自莊嚴也七明驗斯罪狀定入地  
獄四從命欲終時下至卽得往生已來正明第九門  
中終時善惡來迎卽有其九一明罪人命延不久二  
明獄火來現三明正火現時遇善知識四明善人爲  
說弥陀功德五明罪人旣聞弥陀名號卽除罪多劫  
六明旣蒙罪滅火變爲風七明天華隨風來應羅列  
目前八明化衆來迎九明忒時遲疾五從七寶池中  
下至六劫已來正明第十門中到彼華開時節不同  
六從蓮華乃敷下至發無上道心已來正明第十一  
門中華開已後得益有異卽有其三一明華旣開已  
觀音等梵聲安慰二明爲說甚深妙典三明行者領  
解發心七從是名已下總結上來雖有七句不同廣  
解下品中生竟  
次就下品下生位中亦先舉次辨後結卽有其七一  
從佛告阿難已下總明告命二從下品下生者正明  
辨定其位卽是具造五逆等重罪凡夫人也三從或

問目已下  
至就抑止  
門解意信  
卷末甲  
抄出  
然論法作  
翻詢

有衆生下至受苦無窮已來正明第五第六門中簡  
 機造惡輕重之相卽有其七一明造惡之機二明總  
 舉不善之名三明簡罪輕重四明總結衆惡非智人  
 之業五明造惡既多罪亦非輕六明非業不受其報  
 非因不受其果因業既非是樂果報焉能不苦也七  
 明造惡之因既具酬報之劫未窮問曰如四十八願  
 中唯除五逆誹謗正法不得往生今此觀經下品下  
 生中簡詢法攝五逆者有何意也答曰此義仰就抑  
 止門中解如四十八願中除詢法五逆者然此之二  
 業其障極重衆生若造直入阿鼻歷劫周障無由可  
 出但如來恐其造斯二過方便止言不得往生亦不  
 是不攝也又下品下生中取五逆除詢法者其五逆  
 已作不可捨令流轉還發大悲攝取往生然詢法之  
 罪未爲又止言若起詢法卽不得生此就未造業而  
 解也若造還攝得生雖得生彼華合逕於多劫此等  
 罪人在華內時有三種障一者不得見佛及諸聖衆  
 二者不得聽聞正法三者不得歷事供養除此已外  
 更無諸苦經云猶如比丘入三禪之樂也應知雖在

文壽

七

華中多劫不開不勝阿鼻地獄之中長時永劫受諸苦痛也此義就抑止門解竟四從如此愚人下至生灰之罪已來正明聞法念佛得蒙現益即有其十一明重牒造惡之人二明命延不久三明臨終遇善知識四明善人安慰教令念佛五明罪人外苦來逼無由得念佛名六明善友知苦失念轉教口稱弥陀名號七明念數多少聲聲無間八明除罪多劫九明臨終正念即有金華來應十明太時遲疾直到所歸又國五從於蓮華中滿十二劫已下正明第十門中

到彼華開遲疾不同六從觀音大勢下至發菩提心已來正明第十一門中華開已後得益有異即有其三一明二聖為宣甚深妙法二明除罪歡喜三明後發勝心七從是名已下總結上來雖有七句不同廣解下品下生竟

讚云下輩下行下根人十惡五逆等貪瞋四重偷僧謗正法未曾慚愧悔前愆終時苦相如雲集地獄猛火罪人前忽遇往生善知識急勸專稱彼佛名化佛菩薩尋聲到一念傾心入寶蓮三華障重開多劫干

時始發菩提因上來雖有二位不同總解下輩一門之義竟

前明十三觀以爲定善卽是韋提致請如來已答後明三福九品名爲散善是佛自說雖有定散兩門有異總解正宗分竟

三就得益分中亦先舉次辨卽有其七初言說是語者正明總牒前文生後得益之相二從韋提已下正明能聞泐人三從應時卽見極樂已下正明夫人等於上光臺中見極樂之相四從得見佛身及二菩薩

已下正明夫人於第七觀初見無量壽佛時卽得無生之益五從侍女已下正明觀斯勝相各發無上之心求生淨土六從世尊悉記已下正明侍女得蒙尊記皆生彼國卽獲現前三昧七從無量諸天已下正明前馱苦緣中釋梵護世諸天等從佛王官臨空聽泐或見釋迦毫光轉變或見弥陀金色靈儀或聞九品往生殊異或聞定散兩門俱攝或聞善惡之行齊歸或聞西方淨土對目非遠或聞一生專精決志永與生死分流此等諸天旣聞如來廣說希奇之益各

發無上之心斯乃佛是聖中之極發語成經凡惑之類蒙食能使聞之獲益上來雖有七句不同廣解得益分竟

四次明流通分於中有二明王宮流通二明耆闍流通今先就王宮流通分中卽有其七一從爾時阿難已下正明請發之由二從佛告阿難已下正明如來雙標依正以立經名又能依經起行三障之雲自卷答前初問云何名此經一句三從汝當受持已下答前後問云何受持一句四從行此三昧者下至何

況憶念已來正明比較顯勝勸人奉行卽有其四一明總標定善以立三昧之名二明依觀修行卽見三身之益三明重舉能行教之機四正明比較顯勝但聞三身之號尚滅多劫罪愆何況正念歸依而不獲證也五從若念佛者下至生諸佛家已來正顯念佛三昧功能超絕實非雜善得爲比類卽有其五一明專念彌陀佛名二明指讚能念之人三明若能相續念佛者此人甚爲希有夏無物可以方之故引分陀利爲喻言分陀利者名人中好華亦名希有華亦名

從若念下  
至道場之  
摩訶勝  
卷末結  
由



從佛等  
聖專稱  
陀佛名  
化  
去奉  
抄出

人中上上華亦名人中妙好華此華相傳名蔡華是  
 若念佛者即是人中好人中妙好人人中上上人  
 人中希有人人中最勝人也四明專念弥陀名者即  
 觀音勢至常隨影護亦如親友知識也五明今生既  
 蒙此益捨命即入諸佛之家即淨土是也到彼長時  
 聞法歷事供養因圓果滿道場之座豈賒六從佛告  
 阿難汝好持是語已下正明付屬弥陀名號流通於  
 遐代上來雖說定散兩門之益益佛本願意在衆生  
 一向專稱弥陀佛名七從佛說此語時已下正明能  
 請能傳等聞所未聞見所未見遇食甘露意躍無以  
 自勝也上來雖有七句不同廣解王官流通分竟  
 五就者聞會中亦有其三二從爾時世尊已下明者  
 聞序分二從爾時阿難已下明者聞正宗分三從無  
 量諸天已下明者聞流通分上來雖有三義不同總  
 明者聞分竟  
 初從如是我聞下至云何見極樂世界已來明序分  
 二從日觀下至下品下生已來明正宗分三從說是  
 語時下至諸天發心已來明得益分四從爾時阿難

通家通  
四字行卷  
淨抄出  
淨法卷  
字化卷  
本抄出

下至韋提等歡喜已來明王宮流通分五從爾時世  
尊下至作禮而退已來總明者闍分上來雖有五  
不同總解觀經一部文義竟

竊以真宗<sup>方</sup>遇淨土之要難逢欲使五趣齊生是以  
勸聞於後代但如來神力轉變無方隱顯隨機王宮  
密化於是者闍聖衆小智懷疑佛後還山弗闕委沉  
於時阿難爲宣王宮之化定散兩門異衆因此同聞  
莫不奉行而頂戴

敬白一切有緣知識等余旣是生歿凡夫智慧淺短  
然佛教幽微不敢輒生異解遂卽標心結願請求靈  
驗方可造心南無歸命盡虛空徧法界一切三寶釋  
迦牟尼佛阿彌陀佛觀音勢至彼土諸菩薩大海衆  
及一切莊嚴相等某今欲出此觀經要義楷定古今  
若稱三世諸佛釋迦佛阿彌陀佛等大悲願意者願  
於夢中得見如上所願一切境界諸相於佛像前結  
願已日別誦阿彌陀經三徧念阿彌陀佛三萬徧至  
心發願卽於當夜見西方空中如上諸相境界悉皆  
顯現雜色寶山百重千重種種光明下照於地地如

金色中有諸佛菩薩或坐或立或語或嘿或動身手  
或住不動者既見此相合掌立觀量久乃覺覺已不  
勝欣喜於卽條錄義門自此已後每夜夢中常有一  
僧而來指授玄義科文既了更不復見後時脫本竟  
已復更至心要期七日日別誦阿彌陀經十遍念阿  
彌陀佛三萬遍初夜後夜觀想彼佛國土莊嚴等相  
誠心歸命一如上法當夜卽見三具磴輪道邊獨轉  
忽有一人乘白駱駝來前見勸師當努力決定往生  
莫作退轉此界穢惡多苦不勞貪樂答言大蒙賢者  
好心視誨某畢命爲期不敢生於懈怠之心云第二  
夜見阿彌陀佛身具金色在七寶樹下金蓮華上坐  
十僧圍繞亦各坐一寶樹下佛樹上乃有天衣挂繞  
正面向西合掌坐觀第三夜見兩幢杆極大高顯旛  
懸五色道路縱橫人觀無礙既得此相已卽復休止  
不至七日上來所有靈相者本心爲物不爲己身旣  
蒙此相不敢隱藏謹以申呈義後被聞於末代願使  
舍靈聞之生信有識觀者西歸以此功德回施衆生  
悉發菩提心慈心相向佛眼相看菩提眷屬作眞善

知識同歸淨國共成佛道此義已請證定竟一句一字不可加減彼寫者一如經法應知

觀經正宗分散善義卷第四

轉經行道願往生淨土法事讚卷上

沙門善導集記

奉請四天王

直入道場中

奉請師子王

師子亦難逢

奮迅身毛衣

衆魔退散去

迴頭請法師

直取涅槃城

序曰竊以娑婆廣大火宅無邊六道周居重昏永夜

生盲無目慧照未明引導無方俱摧外地循環來去

等逝水長流託命投神誰之能救斯乃識舍無際窮

法華經疏  
塵之劫更踰自尔悠悠遇勝緣之何日上從海德初  
際如來乃至今時釋迦諸佛皆乘弘誓悲智雙行不  
捨含情三輪普化然我無明障重佛出不逢設使同  
生還如覆器神光等照不簡四生慈及無偏皆資泐  
潤雖沈泐水長劫由頑苦集相因毒火臨時還發仰  
惟大悲恩重等潤身田智慧冥加道芽增長慈悲方  
便視教隨宜勸念弥陀歸乎淨土地則衆珍雜間光  
色競輝德水激華玲瓏影徹寶樓重接等輝神光林  
樹垂瓔風塵雅曲萃臺嚴瑩種種希奇聖衆同居明  
踰千日身則紫金之色相好儼然進止往來乘空無  
礙若論依報則超絕十方地上虛空等皆無異他方  
凡聖乘願往來到彼無殊齊同不退但以如來善巧  
總勸四生棄此娑婆忻生極樂專稱名號兼誦弥陀  
經欲令識彼莊嚴厭斯苦事三因五念畢命爲期正  
助四修則刹那無間迴斯功業普備含靈壽盡乘臺  
齊臨彼國  
凡欲爲自欲爲他立道場者先須嚴飭堂舍安置  
尊像旛華竟衆等無問多少盡令洗浴著淨衣入

道場聽法若欲召請人及和讚者盡立大眾令坐  
使一人先須燒香散華周匝一徧竟然後依法作  
聲召請云

般舟三昧樂 願往 大眾同心厭三界 無量樂

般舟三昧樂 願往 三塗永絕願無名 無量樂

三界火宅難居止 願往 乘佛願力往西方 無量樂

般舟三昧樂 願往 念報慈恩常頂戴 無量樂

大眾持華恭敬立 願往 先請弥陀入道場 無量樂

般舟三昧樂 願往 不違弘願應時迎 無量樂

觀音勢至塵沙衆 願往 從佛乘華來入會 無量樂

般舟三昧樂 願往 觀音接手入華臺 無量樂

無勝莊嚴釋迦佛 願往 受我微心入道場 無量樂

般舟三昧樂 願往 碎身慙謝釋迦恩 無量樂

彼國莊嚴大海衆 願往 從佛乘華來入會 無量樂

般舟三昧樂 願往 助佛神化度衆生 無量樂

十方恆沙佛舒舌 願往 證我凡夫生安樂 無量樂

般舟三昧樂 願往 悲心利物大悲心 無量樂

慙愧恆沙大悲心 願往 受我微心入道場 無量樂

般舟三昧樂 願往

專心淨土佛前期 無量樂

一一如來大海衆 願往

從佛乘華來入會 無量樂

般舟三昧樂 願往

盡是往生增上緣 無量樂

佛使二十五菩薩 願往

一切時來常護念 無量樂

般舟三昧樂 願往

畢命直入涅槃城 無量樂

佛恐衆生四魔障 願往

未至極樂墮三塗 無量樂

般舟三昧樂 願往

直心實行佛迎來 無量樂

我今衆等深慚謝 願往

受我微心來入會 無量樂

般舟三昧樂 願往

心心專注出娑婆 無量樂

本國弥陀諸聖衆 願往

平等俱來坐道場 無量樂

般舟三昧樂 願往

道場聖衆實難逢 無量樂

衆等頂禮弥陀會 願往

普散香華同供養 無量樂

般舟三昧樂 願往

弥陀光攝往生人 無量樂

對佛弥陀涅槃會 願往

各發誓願請華臺 無量樂

般舟三昧樂 願往

極樂莊嚴門盡開 無量樂

般舟三昧樂 願往

專心念佛坐華臺 無量樂

般舟三昧樂 願往

乘華直入不須疑 無量樂

衆等齊心請高座 往生樂

懇懃智影說尊經 往生樂

難思議 往生樂

雙樹林下 往生樂

難思 往生樂

道場時逢難回遇 往生樂

無常迅速命難停 往生樂

難思議 往生樂

雙樹林下 往生樂

難思 往生樂

眼前業道人人見 往生樂

皆由三毒作因緣 往生樂

難思議 往生樂

雙樹林下 往生樂

難思 往生樂

雖得人身常闇鈍 往生樂

貪瞋邪見轉專專 往生樂

難思議 往生樂

雙樹林下 往生樂

難思 往生樂

日夜昏昏不惺悟 往生樂

還是流浪三塗因 往生樂

難思議 往生樂

雙樹林下 往生樂

難思 往生樂

忽尔輪迴長劫苦 往生樂

弥陀淨土何時聞 往生樂

難思議 往生樂

雙樹林下 往生樂

難思 往生樂

大眾同心請高座 往生樂

為度羣生轉法輪 往生樂

難思議 往生樂

雙樹林下 往生樂

難思 往生樂

衆等傾心樂聞法 往生樂

手執香華常供養 往生樂

難思議 往生樂

雙樹林下 往生樂

難思 往生樂

道場大眾裏相與至心敬禮

南無常住佛

道場大眾裏相與至心敬禮

南無常住法

道場大眾裏相與至心敬禮

南無常住僧



敬白道場衆等各各斂心彈指合掌四頭歸命禮本  
師釋迦佛過現未來諸世尊所以歸依佛者佛是衆  
生大慈悲父亦是出世增上良緣計其恩德過於塵  
劫述之難盡賢愚經言一一諸佛從初發意終至菩  
提專心求法不顧身財悲智雙行曾無退念或可逢  
人逼試皮肉分張或自割身而延鵠命或捨千頭以  
求法或釘千釘而求四句或刺身血以濟夜叉或捨  
妻子以充羅刹或設慈悲方便化作禽魚用濟蒼生  
免其飢難或作金毛師子以上獵師或作白象抽牙  
爲求菩提而奉施或觀怨家由如赤子或視外道比  
若親兒彼我無殊聖凡何異三祇起行皆與無漏相  
應地地收功始得果圓號佛身則閻浮金光色喻衆  
日競暉相好分明譬若衆星夜朗踟躕正坐不背之  
相圓明法界同歸各覩如來面相身心湛寂化用不  
失時機隨類變通報體則元來不動但以如來智德  
嘆之難盡道場衆等各生慚謝之心能使諸佛爲我  
捨身過於塵劫哀哉世尊能爲難事長劫勤勤忍疲  
勞之苦痛雖復爲生苦行不見小恩望欲等出塵勞

永絕已下  
至迴心皆  
往信養業  
評抄自然  
得往生作  
得生

會善提而歸彼岸衆等齊心爲今施主某甲等奉請  
十方諸佛一切世尊弟子等敬慕諸佛境界唯佛能  
知國土精華非凡所測三身化用皆立淨土以導群  
生法體無殊有識歸之得悟但爲凡夫亂想寄託無  
由故使釋迦諸佛不捨慈悲直指西方十萬億刹國  
名極樂佛號弥陀現在說法其國清淨具四德莊嚴  
永絕譏嫌等無憂惱人天善惡皆得往生到彼無殊  
齊同不退何意然者乃由弥陀因地世饒王佛所捨  
位出家即起悲智之心廣發四十八願以佛願力五  
逆之與十惡罪滅得生謗法闡提迴心皆往復因韋  
提致請誓捨沙婆念念無遺決定求生極樂如來因  
其請故即說定散兩門三福九章廣作未聞之益十  
方恆沙諸佛共讚釋迦舒舌徧覆三千證得往生非  
謬如是等諸佛世尊不捨慈悲受今施主某甲及衆  
生請入此道場證明功德奉請已今勸衆生等各各  
斂心歸依合掌

下座接高讚云

願往生願往生衆等咸歸命本師釋迦佛十方世界

諸如來願受施主衆生請不捨慈悲入道場證明功德滅諸罪回心一念見弥陀衆等身心皆踊躍手執香華常供養

高接下讚云

高接下請召云

重白道場大衆等各各斂心彈指合掌叩頭一心歸命爲今施主及衆生次當舉請十方法界諸佛所說修多羅藏八万四千又請全身散身舍利等唯願放大神光入此道場證明功德又請十方聲聞緣覺得道聖人唯願不捨慈悲現大神通入此道場證明功德又當舉請諸菩薩衆普賢文殊觀音勢至等唯願不捨慈悲滿衆生願入此道場證明功德所以歸依奉請者此諸菩薩從初發意乃至菩提常行平等接引無偏自利利他無時暫息常以法音覺諸世間光明普照無量佛土一切世界六種震動總攝魔界動魔宮殿擗裂邪網消滅諸見散諸塵勞壞諸欲塹開闡法門顯明清白光融佛法宣流正化常作不染身口意業常行不退身口意業常行不動身口意業常行讚歎身口意業常行清淨身口意業常行離惱身

諸如來願受施主衆生請不捨慈悲入道場證明功德滅諸罪回心一念見弥陀衆等身心皆踊躍手執香華常供養

高接下讚云

高接下請召云

重白道場大衆等各歛心彈指合掌叩頭一心歸命爲今施主及衆生次當舉請十方法界諸佛所說修多羅藏八万四千又請全身散身舍利等唯願放大神光入此道場證明功德又請十方聲聞緣覺得道聖人唯願不捨慈悲現大神通入此道場證明功德又當舉請諸菩薩衆普賢文殊觀音勢至等唯願不捨慈悲滿衆生願入此道場證明功德所以歸依奉請者此諸菩薩從初發意乃至菩提常行平等接引無偏自利利他無時暫息常以法音覺諸世間光明普照無量佛土一切世界六種震動總攝魔界動魔官殿擗裂邪網消滅諸見散諸塵勞壞諸欲塹開闡法門顯明清白光融佛法宣流正化常作不染身口意業常行不退身口意業常行不動身口意業常行讚歎身口意業常行清淨身口意業常行離惱身

口意業常行智慧身口意業覺悟成就定慧成就此  
諸菩薩常為諸天龍八部人王梵王等守護恭敬供  
養一切衆生為救為歸為朋為尊為勝為上具無量  
行願多所饒益安穩天人利益一切遊步十方行權  
方便入佛法藏究竟彼岸智慧聖明不可思議轉佛  
法輪成就如來一切種智於一切法悉得自在如是  
等菩薩大士不可稱計唯願不捨慈悲受衆生請一  
時來會入此道場為今施主某甲證明功德今勸道  
場衆等人等斂心歸依合掌禮

下接高讚云

願往生願往生衆等希聞諸佛法龍宮八万四千藏  
已施神光入道場證明功德復滿願因茲離苦見彌  
陀法界含靈亦除障我等身心皆踊躍手執香華常  
供養

高接下讚云

願往生願往生龍宮經藏如恆沙十方佛法復過是  
我今標心普皆請放大神光入道場證明功德復除  
罪增長施主菩提芽衆等各各齊心念手執香華常

供養

下接高讚云

願往生願往生今日道場難得遇無上佛法亦難聞  
畢命形枯斷諸惡從是念念罪皆除六根得了得惺  
悟戒定慈悲誓不虛衆等身心皆踊躍手執香華常  
供養

高接下讚云

下接高讚云

願往生願往生久住娑婆常沒沒三惡四趣盡皆停  
被毛戴角受衆苦未曾聞見聖人名憶此疲勞長劫  
事誓願捨命見弥陀衆等身心皆踊躍手執香華常  
供養

高接下讚云

願往生願往生衆等咸歸命今爲施主及衆生已請  
十方法界全身舍利碎體金剛物利隨宜分形影赴  
雖復形分大小神化一種無殊大則類同山岳小則  
比若芥塵畢命真誠齊心供養近則人天獲報富樂  
長劫隨身遠則淨土無生剋果則涅槃之常樂又願  
道場衆等各各齊心手執香華常供養

下接高讚云

願往生願往生真身舍利隨大小見聞歡喜修供養  
自作善根他人福一切合集皆回向晝夜精勤不敢  
退專心決定見弥陀衆等身心皆踊躍手執香華常  
供養

高接下讚云

下接高讚云

願往生願往生普賢文殊弘誓願十方佛子皆亦然  
一念分身徧六道隨穢化度斷因緣願我生生得親  
近圍繞聽法悟真門永拔無明生死業誓作弥陀淨  
土人衆等各各齊身心手執香華常供養

下接高讚云

願往生願往生十方菩薩大慈悲不惜身命度衆生  
六道分身隨類現為說妙法證無生無生淨土隨入  
入廣大寬平無比量四種威儀常見佛法侶攜將入  
寶堂衆等身心皆踊躍手執香華常供養

下接高讚云

高接下讚云

願往生願往生為今施主及衆生奉請賢聖入道場  
證明功德修供養三毒煩惱因茲滅無明黑闇罪皆

除願我生生值諸佛念念修道至無餘迴此今生功德業當來畢定在金渠衆等各各齊身心手執香華常供養

下接高讚云

願往生願往生菩薩聖衆身雖別慈悲智慧等無殊不借身財求妙法難行苦行未曾休誓到菩提登彼岸放大慈光度有流有流衆生我身是乘光畢命入西方衆等身心皆踊躍手執香華常供養

高接下讚云

下接高讚云

願往生願往生爲今施主皆已請十方諸佛入道場龍宮法藏真舍利已放神光入道場羅漢辟支通自在一念乘華入道場普賢文殊諸菩薩一切俱來入道場是諸聖衆如雲集地上虛空難可量各坐蓮華百寶座證明功德放慈光如此聖衆難逢遇同時發願入西方衆等齊心皆踊躍手執香華常供養

請觀世音讚云

奉請觀世音散華樂

慈悲降道場散華樂

斂容空裏現散華樂

忿怒伏魔王散華樂



騰身振法鼓 散華樂 勇猛現威光 散華樂

手中香色乳 散華樂 眉際白毫光 散華樂

寶蓋隨身轉 散華樂 蓮華逐步祥 散華樂

池迴八味水 散華樂 華分戒定香 散華樂

飢飡九定食 散華樂 渴飲四禪漿 散華樂

西方七寶樹 散華樂 聲韻合宮商 散華樂

枝中明實相 散華樂 葉外現無常 散華樂

願捨閻浮報 散華樂 發願入西方 散華樂

高接下請香華云

重白道場衆等各各斂心彈指合掌叩頭標心運想  
 今為施主某甲等奉請十方法界人天凡聖水陸虛  
 空一切香華音樂光明寶藏香山香衣香樹香林香  
 池香水入此道場又請一切寶樹寶林寶衣寶池寶  
 水寶幢寶蓋寶華寶網寶樓寶閣入此道場又請一  
 切華林華樹華幢華蓋華樓華閣華宮華殿華衣入  
 此道場又請一切光雲樹光雲林光雲網光雲衣光  
 雲蓋光雲幢光雲臺光雲樓光雲閣光雲樂光雲香  
 光雲池光雲水光雲山入此道場又請一切香雲山

法華經疏  
香雲衣香雲樹香雲林香雲網香雲益香雲幢香雲  
樓香雲閣香雲池香雲水香雲光香雲樂香雲華香  
雲臺入此道場又請一切寶雲山寶雲樹寶雲華寶  
雲果寶雲衣寶雲幢寶雲益寶雲網寶雲旛寶雲樂  
寶雲樓寶雲閣寶雲光明寶雲天衣寶雲供養海入  
此道場又請一切華雲山華雲林樹華雲幢益華雲  
衣服華雲羅網華雲音樂華雲臺座入此道場又請  
一切天人變化莊嚴供養海一切聲聞變化莊嚴供  
養海一切菩薩變化莊嚴供養海一切諸佛變化莊

嚴供養海如是等無量無邊恆沙供養種種莊嚴悉  
皆奉請入此道場供養一切佛舍利並真法菩薩聲  
聞眾受此香華雲莊嚴供養海為滿施主眾生願隨  
心變現受用作佛事供養已人各至心歸依合掌禮  
下接高讚云

願往生願往生願在弥陀會中坐手執香華常供養  
奉請既竟即須行道七徧又使一人將華在西南  
角立待行人至即盡行華與行道眾等即受華  
竟不得即散且待各自標心供養待行道至佛前

即隨意散之散竟即過至行華人所受奉亦如  
前法乃至七徧亦如是若行道訖即各依本坐處  
立待唱梵聲盡即坐

高接下勸衆行道即云

奉請一切香華供養已訖一切恭敬道場衆等各執  
香華如法行道

行道讚梵偈云

奉請彌陀世尊入道場 散華樂

奉請釋迦如來入道場 散華樂

奉請十方如來入道場 散華樂

道場莊嚴極清淨 天上人間無比量

過現諸佛等靈儀 人天龍鬼中法藏

全身碎身真舍利 大衆持華散其上

瞻仰尊顏繞七匝 梵響聲等皆供養

願我身淨如香爐 願我心如智慧火

念念焚燒戒定香 供養十方三世佛

慚愧釋迦大悲主 十方恆沙諸世尊

不捨慈悲巧方便 共讚彌陀弘誓門

弘誓多門四十八

偏標念佛最為親

人能念佛佛還念

專心想佛佛知人

一切迴心向安樂

即見真金功德身

淨土莊嚴諸聖眾

籠籠常在行人前

行者見已心歡喜

終時從佛坐金蓮

一念乘華到佛會

即證不退入三賢

下接梵人聲立讚云

願往生願往生道場眾等尔許多人歷劫已來巡三界輪迴六道無休止希見道場請佛會親承供養難

思議七周行道散華訖悲喜交流願滅罪乘此善根生極樂華開見佛證無為眾等持心就本座手執香華常供養

高接下讚云

下接高讚云

願往生願往生釋迦如來初發願頓捨塵勞修苦行念念精勤無有退不限日月及歲年大劫小劫僧祇劫過踰大地等微塵不惜身財求妙法慈悲誓願度眾生普勸歸西安養國逍遙快樂得三明眾等各各傾身心手執香華常供養

高接下讚云

願往生願往生衆等齊心生渴仰慇懃頂禮樂聞經  
聖人所重不過命不貪王位捨千頭七寸長釘徧體  
入標心爲物不生憂自取身皮寫經偈普願羣生入  
泐流千燈炎炎流身血諸天泣淚散華周感傷大士  
身心痛微微含笑願無嗔仰願同聞同斷惡難逢難  
遇誓當專念念迴心生淨土畢命入彼涅槃門各各  
傾心無異想手執香華常供養

下接高讚云

願往生願往生曠劫已來居生處三塗常沒苦皆逕  
始服人身聞正法由如渴者得清泉念念思聞淨土  
教文文句句誓當勤憶想長時流浪苦專心聽泐入  
眞門淨土無生亦無別究竟解脫金剛身以是因緣  
請高座報佛慈恩轉泐輪衆等身心皆踊躍手執香  
華常供養

高接下讚云

下接高讚云

願往生願往生衆生見佛心開悟發願同生諸佛家  
住此娑婆已來久無功捨命劫塵沙自覺心頑神識

法華經疏  
鈍良由地獄臥銅車銅車炎難居止一念之間百  
千外非直此中多苦痛一切泥犁亦如是泥犁一入  
過塵劫畜生鬼道還如此今得人身貪造罪諸佛聖  
教生非毀非毀聖教罪根深誦說良善苦常沈大聖  
雖有神通力無能相救益悲心今勸道場時衆等發  
露懺悔罪無窮衆等同心彼淨土手執香華常供養  
高座待下座聲盡卽懺云

敬白道場諸衆等今爲施主某甲及諸衆生歸命十  
方諸佛龍宮法藏舍利真形菩薩大士緣覺聲聞等  
現在道場證明懺悔又白天曹地府閻天子五道太  
山三十六王地獄典領天神地神虛空神山林河海  
一切靈祇及衆賢聖等各有天通道眼他心宿命漏  
盡智人現在道場證明弟子今日施主某甲及諸衆  
生披心懺悔弟子道場衆等內外爾許多人自從過  
去盡過去際現在際未來際身口意業行住坐臥於  
一切三寶師僧父母六親眷屬善知識法界衆生上  
具造一切惡常起一切惡相續起一切惡方便起一  
切惡障業障報障煩惱等障生死罪障不得見聞佛

法僧障弟子衆等自從曠劫已來乃至今身至今日  
於其中間作如是等罪樂行多作無量無邊能令我  
等墮於地獄無有出期是故經言阿鼻地獄十八寒  
冰地獄十八黑闇地獄十八小熱地獄十八刀輪地  
獄十八劔輪地獄十八火車地獄十八沸齒地獄十  
八鑊湯地獄十八灰河地獄五百億刀林地獄五百  
億劔林地獄五百億刺林地獄五百億銅柱地獄五  
百億鐵鑊地獄五百億鐵網地獄十八鐵窟地獄十  
八鐵丸地獄十八尖石地獄十八飲銅地獄如是等

衆多地獄佛言阿鼻地獄縱橫正等八萬由旬七重  
鐵城七層鐵網下十八隔周匝七重皆是刀林七重  
城內復有劔林下十八隔有八萬四千重於其四角  
有大銅狗其身廣長四十由旬眼如掣電牙如劔樹  
齒如刀山舌如鐵刺一切身毛皆出猛火其烟臭惡  
世間臭物無以可譬有十八獄率頭如羅刹頭口如  
夜叉口六十四眼眼散迸鐵丸如十里車鈎牙上出  
高四由旬牙頭火流燒前鐵車令鐵車輪一一輪輞  
化爲一億火刀鋒刃劔戟皆從火出如是流火燒阿

鼻城令阿鼻城赤如融銅獄率頭上有八牛頭一一  
牛頭有十八角一一角頭皆出火聚火聚復化成十  
八輞火輞復變作火刀輪如車輪許輪輪相次在火  
炎間滿阿鼻城銅狗張口吐舌在地舌如鐵刺舌出  
之時化無量舌滿阿鼻城七重城內有四鐵幢幢頭  
火流如沸涌泉其鐵流迸滿阿鼻城阿鼻四門於門  
閫上有八十釜沸銅涌出從門漫流滿阿鼻城一一  
隔間有八万四千鐵蟒大蛇吐毒吐火身滿城內其  
蛇哮吼如天震雷雨火鐵丸滿阿鼻城此城苦事八  
万億千苦中苦者集在此城五百億蟲蟲八万四千  
紫紫頭火流如雨而下滿阿鼻城此蟲下時阿鼻猛  
火其炎大熾赤光火炎照八万四千由旬從阿鼻地  
獄上衝大海沃焦山下大海水滲如車軸許成大鐵  
尖滿阿鼻城佛言若有衆生殺害三寶偷劫三寶污  
染三寶欺誑三寶謗毀三寶破壞三寶殺害父母偷  
劫父母汗染父母欺誑父母謗毀父母破壞父母罵  
辱六親作如是等殺逆罪者命終之時銅狗張口化  
十八車狀如金車寶蓋在上一切火炎化爲玉女罪



人遙見心生歡喜我欲往中我欲住中風刀解時寒  
急失聲寧得好火在車上坐然火自爆作是念已卽  
便命終揮霍之間已坐金車顧瞻玉女皆捉鐵斧斬  
截其身身下火起如旋火輪譬如壯士屈伸臂頃直  
落阿鼻大地獄中從於上隔如旋火輪至下隔際身  
徧隔內銅狗大吼齧骨啖髓獄率羅刹捉大鐵叉叉  
頸令起徧體火炎滿阿鼻城鐵網雨刀從毛孔入化  
閻羅王大聲告勅癡人獄種汝在世時不孝父母邪  
慢無道汝今生處名阿鼻獄汝不知思無有慚愧受

此苦惱爲樂不耶作是語已卽滅不現爾時獄率復  
駡罪人從於下隔乃至上隔經歷八万四千隔中捽  
身而過至鐵網際一日一夜當此閻浮提日月歲數  
六十小劫如是壽命盡一大劫五逆罪人無慚無愧  
造作五逆罪故臨命終時十八風刀如鐵火車解截  
其身以熱逼故便作是言得好色華清涼大樹於下  
遊戲不亦樂乎作此念時阿鼻地獄八万四千諸惡  
劍林化作寶樹華菓茂盛行列在前大熱火炎化爲  
蓮華在彼樹下罪人見已我所願者今已得果作是

語時疾於暴雨坐蓮華上坐已須臾鐵柴諸蟲從火  
華起穿骨入髓徹心穿腦攀樹而上一切劒枝削尖  
徹骨無量刀林當上而下火車爐炭十八苦事一時  
來迎此相現時陷墜地下從下隔上身如華敷徧滿  
下隔從下隔起火炎猛熾至於上隔至上隔已身滿  
其中熱惱急故張眼吐舌此人罪故万億融銅百千  
刀輪從空中下頭入足出一切苦事過於上說百千  
万倍具五逆者其人受苦足滿五劫弟子道場衆等  
自從元身已來乃至今身至於今日於其中間放縱

三業作如是等罪樂行多作無量無邊今聞佛說阿  
鼻地獄心驚毛豎怖懼無量慚愧無量今對道場凡  
聖發露懺悔願罪消滅永盡無餘懺悔已至心歸命  
禮阿彌陀佛

下接高讚云

懺悔已至心歸命禮阿彌陀佛

高接下懺云

弟子道場衆等自從曠劫已來乃至今身至於今日  
於其中間放縱身口意業造一切罪或破五戒八戒

十戒三歸戒四不壞信戒三業戒十無盡戒聲聞戒  
大乘戒及一切威儀戒四重八戒等虛食信施誹謗  
邪見不識因果斷學波若毀十方佛偷僧祇物姪妖  
無道逼掠淨戒諸比丘尼姊妹親戚不知慚愧毀辱  
所親造衆惡事或樂行十惡不修十善障樂行八苦  
不持八戒障樂行三毒不受三歸障樂行五逆不持  
五戒障樂行地獄極苦業不修淨土極樂障樂行畜  
生愚癡業不修智慧慈悲障樂行慳貪餓鬼嫉妒業  
不行布施利他障樂行諂曲虛詐脩羅業不行真實  
言信不相違障樂行嗔惱殺害毒龍業不行歡喜慈  
心障樂行我慢自大下賤不自在業不行謙下敬上  
尊貴障樂行邪見破戒破見惡見謂修善無福造惡  
無殃外道闡提業不行正見禁行出世往生淨土障  
樂行破滅三寶壞人善事惡鬼業不行護惜三寶成  
人功德具足障樂受三界人天長時縛繫業不貪淨  
土無生解脫障樂受二乘狹劣業不行菩薩廣大慈  
悲障樂行親近惡友業不樂親近諸佛菩薩善知識  
障樂行六貪六弊業不行六度四攝障樂行不識因

果觶突業不知身中有如來佛性障樂行貪噉一切  
衆生酒肉五辛多病短命業不行慈心樂聞佛法僧  
香華供養障如是障罪自作教他見作隨喜若故作  
悞作戲笑作瞋嫌作違順愛憎作無量無邊思量不  
可盡不可盡說不可說亦如大地微塵無數虛空無  
邊法界無邊法性無邊方便無邊我及衆生造罪亦  
復如是如是等罪上至諸菩薩下至聲聞緣覺所不  
能知唯佛與佛乃能知我罪之多少地獄經云若有  
衆生作是罪者臨命終時風刀解身偃臥不定如被  
楚撻其心荒越發狂癡想見已室宅男女大小一切  
皆是不淨之物茵屎臭處盈流于外爾時罪人卽作  
是語云何此處無好城郭及好山林使吾遊戲乃處  
如此不淨物間作是語已獄率羅刹以大鐵叉擊阿  
鼻獄及諸刀林化作寶樹及清涼池火炎化作金葉  
蓮華諸鐵紫蟲化爲鳧鴈地獄痛聲如歌詠音罪人  
聞已如此好處吾當遊中念已尋時坐火蓮華諸鐵  
紫蟲從身毛孔咬食其軀百千鐵輪從頂上入恒沙  
鐵叉挑其眼精地獄銅狗化作百億鐵狗競分其身

取心而食俄爾之間身如鐵華滿十八隔中一一華  
葉八万四千一一葉頭身手支節在一隔間地獄不大  
此身不小徧滿如此大地獄中此等罪人墮此地獄  
經歷八万四千大劫此泥犁滅復入東方十八隔中  
如前受苦此阿鼻獄南亦十八隔西亦十八隔北亦  
十八隔謫方等經具五逆罪破壞僧祇汚比丘尼斷  
諸善根如此罪人具衆罪者身滿阿鼻獄四支復滿  
十八隔中此阿鼻獄但燒如此獄種衆生劫欲盡時  
東門卽開見東門外清泉流水華菓林樹一切俱現

是諸罪人從下隔見眼火暫歇從下隔起婉轉腹行  
捋身上走到上隔中手攀刀輪時虛空中雨熱鐵丸  
走趣東門旣至門闔獄率羅刹手捉鐵叉逆刺其眼  
鐵狗齧心悶絕而灰灰已復生見南門開如前不異  
如是西門北門亦皆如此如此時間經歷半劫阿鼻  
獄灰生寒冰中寒冰獄灰生黑闇處八千万歲目无  
所見受大蛇身婉轉腹行諸情闇塞无所解知百千  
狐狼牽掣食之命終之後生畜生中五千万身受鳥  
獸形還生人中聾盲瘖瘂疥癩癰疽貧窮下賤一切

諸衰以爲嚴飾受此賤身經五百身後還得生餓鬼  
之中如是等輪迴三惡無量無邊弟子衆等今聞地  
獄心驚毛豎怖懼無量恐懼殘殃不盡復還流浪今  
生已來縱暴三業造衆重罪若不懺悔定招此苦無  
有出期今對三寶道場大衆前發露懺悔卽安樂知  
而不敢覆藏唯願十方三寶法界衆生發大慈悲廣  
大慈悲不計我惡如草覆地布施歡喜受我懺悔憶  
我清淨唯願不捨慈悲攝護我等已作之罪願除滅  
未起之罪願不生已作之善願增長未作之善方便  
令生願從今日乃至不起忍已來誓共衆生捨邪歸  
正發菩提心慈心相向佛眼相看菩提眷屬眞善知  
識同生淨土乃至成佛如是等罪永斷相續更不敢  
覆藏發願已至心歸命阿彌陀佛

下接高讚云

願往生願往生願在彌陀佛前立手執香華常供養

高接下讚云

願往生願往生願在彌陀會中坐手執香華常供養  
西方淨土法事讚卷上

安樂行道轉經願生淨土法事讚卷下

沙門善導集記

高座入文

如是我聞一時佛在舍衛國祇樹給孤獨園與大比丘衆千二百五十人俱皆是大阿羅漢衆所知識長老舍利弗摩訶目犍連摩訶迦葉摩訶迦旃延摩訶俱絺羅離婆多周利槃陀伽難陀阿難陀羅睺羅憍梵波提賓頭盧頗羅墮迦留陀夷摩訶劫賓那薄拘羅阿菟樓駄如是等諸大弟子并諸菩薩摩訶薩文

殊師利法王子阿逸多菩薩乾陀訶提菩薩常精進  
菩薩與如是等諸大菩薩及釋提桓因等無量諸天  
大眾俱

下接高讚云

方便等一  
句信案  
杜抄出然  
化作假

願往生願往生諸佛大悲心無二方便化門等無殊  
捨彼莊嚴無勝土八相示現出閻浮或現真形而利  
物或同雜類化凡愚分身六道無停息變現隨宜度  
有流有流見解心非一故有八万四千門門不同  
亦非別別別之門還是同同故卽是如來致別故復

是慈悲心悲心念念緣三界人天四趣罪根深過現  
諸佛皆來化無明業障不相逢慙愧釋迦弘誓重不  
捨娑婆十惡業希遇道場聞淨土騰神永逝出煩籠  
衆等傷心其悲嘆手執香華常供養

高接下讚云

下接高讚云

願往生願往生釋迦如來成正覺四十九載度衆生  
五天竺國皆行化邪魔外道盡歸宗天上天下無過  
佛慈悲救苦實難逢或放神光徧六道蒙光觸者起  
慈心或住或來皆盡益三塗永絕斷追尋或震大地



山河海爲覺萌冥信未淡或自說泐教相勸展轉相  
將入泐林泐林卽是弥陀國逍遙快樂不相侵衆等  
傾心皆願往手執香華常供養

高接下讚云

下接高讚云

願往生願往生如來教泐元無二正爲衆生機不同  
一音演說隨緣悟不留殘結證生空或現神通或說  
泐或服外道滅魔蹤自利一身雖免縛悲心普益絕  
無功灰身滅智無餘證二万劫盡復生心生心覺動  
身還現諸佛先教發大乘衆等迴心生淨土手執香  
華常供養

下接高讚云

高接下讚云

願往生願往生菩薩大衆無央數文殊師利最爲尊  
發大慈悲行苦行不違弘願度衆生或現上好莊嚴  
相或現上好莊嚴身舍靈觀見皆生喜爲說妙泐入  
眞門十方佛國身皆到助佛神化轉泐輪衆等迴心  
生淨土手執香華常供養

高接下讚云

下接高讚云

願往生願往生佛與聲聞菩薩衆同遊舍衛住祇園

願閉三塗絕六道開顯無生淨土門人天大衆皆來  
集瞻仰尊顏聽未聞見佛聞經同得悟畢命傾心入  
寶蓮誓到弥陀安養界還來穢國度人天願我慈悲  
無際限長時長劫報慈恩衆等迴心生淨土手執香  
華常供養

高接下讚云

下接高讚云

高座入文

爾時佛告長老舍利弗從是西方過十萬億佛土有  
世界名曰極樂其土有佛號阿弥陀今現在說法舍  
利弗彼土何故名爲極樂其國衆生無有衆苦但受  
諸樂故名極樂  
高接下讚云  
願往生願往生人天大衆皆圍繞傾心合掌願聞經  
佛知凡聖機時悟卽告舍利用心聽一切佛土皆嚴  
淨凡夫亂想恐難生如來別指西方國從是超過十  
萬億七寶莊嚴最爲勝聖衆人天壽命長佛號弥陀  
常說法極樂衆生障自亾衆等迴心願生彼手執香  
華常供養

法華讚下

高接下讚云

下接高讚云

高座入文

又舍利弗極樂國土七重欄楯七重羅網七重行樹  
皆是四寶周匝圍繞是故彼國名曰極樂

下接高讚云

願往生願往生三界衆生無智慧悟悟六道內安身

諸佛慈心為說法聾盲聾突伴不聞忽爾無常苦來

遍精神錯亂始驚忙萬事家生皆捨離專心發願向

西方弥陀名號相續念化佛菩薩眼前行或與華臺

華常供養

或授手須臾命盡佛迎將衆等迴心皆願往手執香

高接下讚云

下接高讚云

願往生願往生歷劫已來未聞見西方淨土寶莊嚴

地上虛空皆徧滿珠羅寶網百千重一一網羅結珍

寶玲瓏雜色盡暉光寶樹枝條異相間行行整直巧

相當此是弥陀悲願力無衰無變湛然常衆等迴心

皆願往手執香華常供養

高接下讚云

下接高讚云

法華讚下

五

高座入文

又舍利弗極樂國土有七寶池八功德水充滿其中池底純以金沙布地四邊階道金銀瑠璃玻瓈合成上有樓閣亦以金銀瑠璃玻瓈瑱瑳赤珠碼碯而嚴飾之池中蓮華大如車輪青色青光黃色黃光赤色赤光白色白光微妙香潔舍利弗極樂國土成就如是功德莊嚴

下接高讚云

願往生願往生極樂世界廣清淨地上莊嚴難可量八功香池流徧滿底布金沙照異光四邊階道非一色岸上重樓百万行真珠碼碯相映飭四種蓮華開卽香十方人天得生者各坐一箇聽真常是故彼國名極樂衆等持華來供養

高接下讚云

下接高讚云

高座入文

又舍利弗彼佛國土常作天樂黃金爲地晝夜六時而雨曼陀羅華其國衆生常以清且各以衣被盛衆妙華供養他方十万億佛卽以食時還到本國飯食

法華經疏  
經行舍利弗極樂國土成就如是功德莊嚴

下接高讚云

願往生願往生彌陀佛國最為勝廣大寬平實是精  
天樂音聲常徧滿黃金為地間奇珍晝夜六時華自  
散法音常說自然聞彼國衆生更無事衣被盛華詣  
十方一一親承修供養塵勞垢習永消亡種種隨心  
皆稱意無不利益是真常歎爾飛騰還本國飯食經  
行七寶臺衆等傾心皆願往手執香華常供養

高接下讚云

下接高讚云

高座入文

復次舍利弗彼國常有種種奇妙雜色之鳥白鵝孔  
雀鸚鵡舍利迦陵頻伽共命之鳥是諸衆鳥晝夜六  
時出和雅音其音演暢五根五力七菩提分八聖道  
分如是等法其土衆生聞是音已皆悉念佛念法念  
僧舍利弗汝勿謂此鳥實是罪報所生所以者何彼  
佛國土無三惡趣舍利弗其佛國土尚無三惡道之  
名何況有實是諸衆鳥皆是阿彌陀佛欲令法音宣  
流變化所作舍利弗彼佛國土微風吹動諸寶行樹

及寶羅網出微妙音譬如百千種樂同時俱作聞是音者皆自然生念佛念法念僧之心舍利弗其佛國土成就如是功德莊嚴

下接高讚云

願往生願往生道場清淨希難見弥陀淨土甚難聞難聞難見今得會如說修行專意專願佛慈悲遙攝受臨終寶座現其前既見華臺心踊躍從佛逍遙歸自然自然即是弥陀國無漏無生還即真行來進止常隨佛證得無為法性身衆等迴心皆願往手執香

從佛已下  
至法性身  
真佛志卷  
佛抄出

華常供養

高接下讚云

下接高讚云

願往生願往生極樂莊嚴間雜寶實是希奇聞未聞寶鳥臨空讚佛會文文句句理相同晝夜連聲無有息哀婉雅亮發人心或說五根七覺分或說八聖慈悲門或說他方離惡道或說地獄封人天或說長時修苦行或說無上菩提因或說散善波羅蜜或說定慧人深禪菩薩聲聞聞此法處處分身轉法輪衆等迴心皆願往手執香華常供養

高接下讚云

下接高讚云

願往生願往生極樂莊嚴出三界人天雜類等無為  
 法藏行因廣弘願設我得佛現希奇或現鳥身能說  
 法或現無請能應機或使微波出妙響或使林樹讚  
 慈悲或使風光相應動或令羅網說音辭一切莊嚴  
 聲徧滿恆沙天樂自依時為引他方凡聖類故佛現  
 此不思議我等聞之身毛豎碎骨慚謝阿彌師一受  
 專精不惜命須臾即到豈為遲衆等迴心皆願往手  
 執香華常供養

下接高讚云

高接下讚云

願往生願往生彌陀佛國具嚴淨三惡六道永無名  
 事事莊嚴難可識種種妙微甚為精地迴寬平衆寶  
 間一一同耀五百光一一光成寶臺座一一座上百  
 千堂千堂化佛塵沙會衆生入者共相量無數音聲  
 遊空轉化天童子散華香晝夜六時無間息地上虛  
 空難可量八德香池隨意入灌注由人無淺深或出  
 或沒三禪樂徐徐相喚入檀林檀林寶座行行別聖  
 衆猶若超日月日月即是長時劫或坐或立或遊方

到處唯聞無上法永絕凡夫生死殃是故彼國名安樂衆等回心願往生彼國無餘事手執香華常供養

高接下讚云

下接高讚云

高座入文

舍利弗於汝意云何彼佛何故號阿彌陀舍利弗彼佛光明無量照十方國無所障礙是故號爲阿彌陀又舍利弗彼佛壽命及其人民無量無邊阿僧祇劫故名阿彌陀舍利弗阿彌陀佛成佛已來於今十劫又舍利弗彼佛有無量無邊聲聞弟子皆阿羅漢非是算數之所能知諸菩薩衆亦復如是舍利弗彼佛國土成就如是功德莊嚴

下接高讚云

願往生願往生果得涅槃常住世壽命延長難可量千劫万劫恆沙劫兆載永劫亦無央一坐無移亦不動徹窮後際放身光靈儀相好真金色巍巍獨坐度衆生十方凡聖專心向分身遺化往相迎一念乘空入佛會身色壽命盡皆平衆等回心皆願往手執香



華常供養

高接下讚云

下接高讚云

願往生願往生彼佛從因行苦行勇猛專精無返時  
一坐百劫長時劫難作能作不生疲自利利他同斷  
惡不捨怨憎由大悲有識含靈皆普化同因同行至  
菩提誓願莊嚴清淨土見聞歡喜證無為衆等回心  
皆願往手執香華常供養

下接高讚云

願往生願往生彌陀化主當心坐華臺獨迴最為精  
百億摩尼間雜寶葉葉莊嚴相自成正坐已來經十  
劫心緣法界照慈光蒙光觸者塵勞滅臨終見佛往  
西方到彼華開入大會無明煩惱自然亡三明自然  
乘佛願須臾合掌得神通彼佛聲聞菩薩衆塵沙筭  
數亦難窮願我今生強發意畢命往彼聖人叢衆等  
傾心願往生手執香華常供養

高接下讚云

下接高讚云

高座入文

又舍利弗極樂國土衆生生者皆是阿鞞跋致其中

多有<sub>下</sub>一生補處其數甚多非是算數所能知之但可  
以無量無邊阿僧祇劫說舍利弗衆生聞者應當發  
願願生彼國所以者何得與如是諸上善人俱會<sub>中</sub>  
處舍利弗不可以少善根福德因緣得生彼國

下接高讚云

願往生願往生釋迦如來告身子卽是普告苦衆生  
娑婆六道非安處冥冥長夜闇中行聖化同居不相  
識動生瞋毒鬪無明爲此無明繫六道愛憎高下何  
時平既無善業排生死由貪造罪未心驚狂此人皮  
裹驢骨三塗自入不須爭我等聞之心髓痛誓願頓  
捨世間榮普願回心生淨土手執香華常供養

高接下讚云

下接高讚云

願往生願往生娑婆極苦非生處極樂無爲實是精  
九品俱回得不退阿鞞跋致卽無生非直初生無限  
極十地已下劫難窮如此大海塵恆沙有緣到者入  
其中四種威儀常見佛行來進止駕神通六識縱橫  
自然悟未藉思量一念功普勸同生善知識專心專  
注往西方衆等回心皆願往手執香華常供養

九品等一  
句化土卷  
本疏抄出

下接高讚云

高座入文

舍利弗若有善男子善女人聞說阿彌陀佛執持名號若一日若二日若三日若四日若五日若六日若七日一心不亂其人臨命終時阿彌陀佛與諸聖眾現在其前是人終時心不顛倒即得往生阿彌陀佛極樂國土舍利弗我見是利故說此言若有眾生聞是說者應當發願生彼國土

下接高讚云

極樂國土  
句真佛土  
卷左抄出  
又化主卷  
本指抄出

願往生願往生極樂無為涅槃界隨緣雜善恐難生故使如來選要法教念彌陀專復專七日七夜心無間長時起行倍皆然臨終聖眾持華現身心踊躍坐金蓮坐時即得無生忍一念迎將至佛前法侶將衣競來著證得不退入三賢眾等回心皆願往手執香華常供養

高接下讚云

下接高讚云

願往生願往生彌陀侍者二菩薩號曰無邊觀世音一切時中助佛化分身六道起慈心心念隨機為說

法懺懺難悟罪根深百計千萬數出世方中無一出  
煩籠念汝衆生長劫苦諸佛對面不相逢人天少善  
尚難辨何況無爲證六通雖得見聞希有法麤心懈  
怠益無功縱使連年放腳走趨得貪嗔滿內胸貪嗔  
卽是身三業何開淨土裏真空寄語同生善知識念  
佛慈悲入聖叢衆等傾心皆願往手執香華常供養

高接下讚云

下接高讚云

高座入文

舍利弗如我今者讚歎阿彌陀佛不可思議功德東  
方亦有阿閼鞞佛須彌相佛大須彌佛須彌光佛妙  
音佛如是等恆河沙數諸佛各於其國出廣長舌相  
徧覆三千大千世界說誠實言汝等衆生當信是稱  
讚不可思議功德一切諸佛所護念經

下接高讚云

願往生願往生釋迦如來常讚歎東方恆沙等覺尊  
大悲同化心無二一佛施功多亦然爲斷凡夫疑見  
執皆舒舌相覆三千共證七日稱名號又表釋迦言  
說真終時正意念彌陀見佛慈光來照身乘此彌陀

本願力一念之間入寶堂寶堂莊嚴無限極化佛聖  
衆坐思量心性明於百千日悲智雙行法爾常我今  
既到無爲處普願含靈歸此方衆等傾心皆願往手  
執香華常供養

高接下讚云

下接高讚云

高座入文

舍利弗南方世界有日月燈佛名聞光佛大焰肩佛  
須彌燈佛無量精進佛如是等恆河沙數諸佛各於  
其國出廣長舌相徧覆三千大千世界說誠實言汝

等衆生當信是稱讚不可思議功德一切諸佛所護  
念經

下接高讚云

願往生願往生南方諸佛如恆沙亦舒舌相覆三千  
爲其本國凡聖衆讚歎釋迦變現身出現娑婆五濁  
內標心爲化罪根人我見邪貪增上慢教令出世反  
生瞋念汝衆生流浪久諸佛誠言謂不眞衆等回心  
生淨土手執香華常供養

高接下讚云

下接高讚云

高座入文

舍利弗西方世界有無量壽佛無量相佛無量幢佛  
大光佛大明佛寶相佛淨光佛如是等恆河沙數諸  
佛各於其國出廣長舌相徧覆三千大千世界說誠  
實言汝等衆生當信是稱讚不可思議功德一切諸  
佛所護念經

下接高讚云

願往生願往生西方諸佛如恆沙各於本國讚如來  
分身百億閻浮內示現八相大希奇五濁凡夫將謂  
實六年苦行證無爲降魔成道說妙法種種方便不  
思議普勸衆生歸淨土前思卻慮更生疑我今舒舌  
以爲證西方極樂必須依衆等回心皆願往手執香  
華常供養

高接下讚云

下接高讚云

高座入文

舍利弗北方世界有焰肩佛最勝音佛難沮佛日生  
佛網明佛如是等恆河沙數諸佛各於其國出廣長  
舌相徧覆三千大千世界說誠實言汝等衆生當信

是稱讚不可思議功德一切諸佛所護念經

下接高讚云

願往生願往生北方諸佛如恆沙皆舒舌相證牟尼  
爲我凡夫來出世隨緣說法應時機時機相感聞卽  
悟如說修行不致疑七日稱名無間雜身心踊躍喜  
還悲慶得希聞自家國諸佛證判得還歸衆等回心  
皆願往手執香華常供養

高接下讚云

下接高讚云

高座入丈

舍利弗下方世界有師子佛名聞佛名光佛達摩佛  
法幢佛持法佛如是等恆河沙數諸佛各於其國出  
廣長舌相徧覆三千大千世界說誠實言汝等衆生  
當信是稱讚不可思議功德一切諸佛所護念經

全下接高讚云

願往生願往生下方諸佛如恆沙各於本國度衆生  
證讚釋迦出五濁能爲難事化羣萌善巧隨宜令斷  
惡偏心指授向西行一切福業皆回向終時化佛自  
來迎利根智者聞歡喜忽憶三塗心卽驚驚心毛豎

勤懺悔。恐罪不滅。墮深坑。衆等回心。生淨土。手執香

華。常供養。高接下讚云。下接高讚云。高接下讚云。

高座入文。高接下讚云。下接高讚云。高接下讚云。

舍利弗。上方世界有梵音佛。宿王佛。香上佛。香光佛。

大焰肩佛。雜色寶華嚴身佛。娑羅樹王佛。寶華德佛。

見一切義佛。如須彌山。佛如是等。恆河沙數諸佛。各

於其國。出廣長舌相。徧覆三千大千世界。說誠實言。

汝等衆生。當信是稱讚不可思議功德。一切諸佛所

護念經。

護念經

下接高讚云

上方等十  
化土卷  
末持世

願往生。願往生。上方諸佛。如恆沙。還舒舌相。為娑婆

十惡五逆。多疑諷信。邪事鬼。餒神魔。妄想求恩。謂有

福。災障禍橫轉。弥多連羊。臥病於牀。枕聾盲。腳折手

攣。擗承事。神明得此報。如何不捨念。弥陀愿力

皆平等。但使回心。華自捧。一念逍遙快樂國。畢竟常

安無退動。衆等回心。願生彼土。執香華。常供養。

高接下讚云

下接高讚云

法華經

下



高座入文

舍利弗於汝意云何何故名爲一切諸佛所護念經  
舍利弗若有善男子善女人聞是諸佛所說名及經  
名者是諸善男子善女人皆爲一切諸佛其所護念  
皆得不退轉於阿耨多羅三藐三菩提是故舍利弗  
汝等皆當信受我語及諸佛所說舍利弗若有人已  
發願今發願當發願欲生阿彌陀佛國者是諸人等  
皆得不退轉於阿耨多羅三藐三菩提於彼國土若  
已生若今生若當生是故舍利弗諸善男子善女人  
若有信者應當發願生彼國土

下接高讚云

願往生願往生釋迦如來大悲應現娑婆度有緣  
有緣徧滿三千界隨機示悟斷貪癡總勸厭此人天  
樂無常八苦火燒入念佛誦經除罪障諸佛遙加護  
念身晝夜六時強發願持心不散業還成業成見佛  
華臺主須臾變作紫金臺從佛逍遙入寶國畢竟永  
絕愁憂聲衆等回心皆願往手執香華常供養

高接下讚云

下接高讚云

高座入文

舍利弗如我今者稱讚諸佛不可思議功德彼諸佛等亦稱說我不可思議功德而作是言釋迦牟尼佛能為甚難希有之事能於娑婆國土五濁惡世劫濁見濁煩惱濁衆生濁命濁中得阿耨多羅三藐三菩提為諸衆生說是一切世間難信之法舍利弗當知我於五濁惡世行此難事得阿耨多羅三藐三菩提為一切世間說此難信之法是為甚難佛說此經已舍利弗及諸比丘一切世間天人阿脩羅等聞佛所說歡喜信受作禮而去

下接高讚云

願往生願往生世尊慇懃告身子表知諸佛大悲同互相讚德心無異巧應時機各有功六方如來皆讚嘆釋迦出現甚難逢正治五濁時興盛無明頑硬似高峰劫濁時移身漸小衆生濁惡等蛇龍惱濁徧滿過塵數愛憎違順若岳山見濁叢林如棘刺命濁中大剎那間依正二報同時滅背正歸邪橫起怨九五種皆汚世唯佛一道獨清閒出到菩提心無盡還

九十等二句信卷末  
起抄出然  
開作開

來火宅度人天衆等回心皆願往手執香華常供養

高接下讚云

下接高讚云

願往生願往生如來出現於五濁隨宜方便化羣萌

或說多聞而得度或說少解證三明或教福慧雙除

障或教禪念坐思量種種法門皆解脫無過念佛往

西方上盡一形至十念三念五念佛來迎直為弥陀

弘誓重致使凡夫念即生衆等回心皆願往手執香

華常供養

下接高讚云

高接下讚云

願往生願往生世尊說法時將了慇懃付屬弥陀名

五濁增時多疑謗道俗相嫌不用聞見有修行起嗔

毒方便破壞競生怨如此生盲闡提輩毀滅頓教永

沈淪超過大地微塵劫未可得離三塗身大衆同心

皆懺悔所有破法罪因緣衆等回心生淨土手執香

華常供養

高接下讚云

下接高讚云

高座待下座聲盡即為大衆總懺悔云

弟子道場衆等尔許多人各各標心愧謝諸佛冥空

如來等七句化去卷  
本註抄出  
同疏抄無  
過等句及  
三念等句  
略中問一  
句  
直為等二  
句同抄出  
同疏抄出  
種令添開  
已下六句

幽顯得道聖人三十三天等一切天神地神虛空山  
林河海神等天曹地府閻羅伺命五道太山三十六  
王地獄典領一切靈祇等及此道場尊經舍利形像  
靈儀等唯願大悲光威神加備護念攝受證明今日  
道場主某甲及尔許多人披心懺悔弟子某甲等自  
從無身有身無識有識已來乃至今日至於今時於  
其中間所作身口意業十惡之罪無量無邊或放縱  
身業殺害劫奪一切地獄畜生衆生水陸虛空蠕動  
之類不可知數或殺害劫奪一切脩羅鬼神衆生水  
陸虛空蠕動之類不可知數或殺害劫奪一切人天  
三寶師僧父母六親眷屬善知識法界衆生不可知  
數或故殺悞殺戲笑殺自殺教他殺隨喜殺相續殺  
無間殺愛憎違順殺放逸殺貪味爲財殺如是等殺  
罪無量無邊今對道場凡聖發露懺悔永盡無餘懺  
悔已至心歸命阿彌陀佛

下接高和云

懺悔已至心歸命阿彌陀佛

高接下懺云

弟子衆等次當懺悔偷盜罪或放縱身業偷盜劫奪一切地獄畜生衆生水陸虛空蠕動之類不可知數或偷盜劫奪一切脩羅鬼神衆生水陸虛空蠕動之類不可知數或偷盜劫奪一切人天三寶師僧父母六親眷屬善知識法界衆生不可知數或故盜悞盜戲笑盜自盜教他盜隨喜盜放逸盜無間盜愛憎盜違順盜貪味爲財盜如是等偷盜罪無量無邊今對道場凡聖發露懺悔永盡無餘懺悔已至心歸命阿彌陀佛

彌陀佛

下接高和云

懺悔已至心歸命阿彌陀佛

高接下懺云

弟子衆等次當懺悔邪淫顛倒罪或放縱身業起於邪淫或逼掠一切畜生衆生水陸虛空蠕動之類不可知數或起淫逼掠一切鬼神衆生水陸虛空蠕動之類不可知數或起淫心逼掠一切師僧父母六親眷屬善知識法界衆生不可知數或放逸作故作悞作戲笑作自作教他作隨喜作無慚愧作相續作無間作

邪貪惡貪作如是等邪姪罪無量無邊今對道場几  
聖發露懺悔永盡無餘懺悔已至心歸命阿彌陀佛

下接高和云

懺悔已至心歸命阿彌陀佛

高接下懺云

弟子衆等次當懺悔口業虛誑罪或放縱口業欺誑  
一切地獄畜生衆生水陸虛空蠕動之類不可知數  
或欺誑一切脩羅鬼神衆生水陸虛空蠕動之類不  
可知數或欺誑一切人天三寶師僧父母六親眷屬  
善知識法界衆生不可知數或常作無間作故作悞  
作戲笑作自作教他作隨喜作邪貪惡貪作如是等  
欺誑罪無量無邊今對道場几聖發露懺悔永盡無  
餘懺悔已至心歸命阿彌陀佛

下接高和云

懺悔已至心歸命阿彌陀佛

高接下懺云

弟子衆等次當懺悔調戲之罪或放縱口業調戲輕  
呌一切地獄畜生衆生水陸虛空蠕動之類不可知

數或調呌一切脩羅鬼神衆生水陸虛空蠕動之類  
不可知數或調呌一切人天三寶師僧父母六親眷  
屬善知識法界衆生不可知數或常作無間作故作  
悞作戲笑作自作教他作隨喜作如是等調呌之罪  
無量無邊今對道場凡聖發露懺悔永盡無餘懺悔  
已至心歸命阿彌陀佛

下接高和云

懺悔已至心歸命阿彌陀佛

高接下懺云

弟子衆等次當懺悔惡口罪或放縱口業罵辱誹謗  
毀咎一切地獄畜生衆生水陸虛空蠕動之類不可  
知數或罵辱誹謗毀咎一切脩羅鬼神衆生水陸虛  
空蠕動之類不可知數或罵辱誹謗毀咎一切人天  
三寶師僧父母六親眷屬善知識法界衆生不可知  
數或常作無間作故作悞作戲笑作自作教他作隨  
喜作邪貪惡貪作如是等惡口罪無量無邊今對道  
場凡聖發露懺悔永盡無餘懺悔已至心歸命阿彌  
陀佛

下接高和云

懺悔已至心歸命阿彌陀佛

高接下懺云

弟子衆等次當懺悔兩舌罪或放縱口業兩舌鬪亂  
 破壞一切畜生衆生水陸虛空顛動之類不可知數  
 或鬪亂破壞一切脩羅鬼神衆生水陸虛空顛動之  
 類不可知數或鬪亂破壞一切人天三寶師僧父母  
 六親眷屬善知識法界衆生不可知數或常作無間  
 作故作悞作戲笑作自作教他作隨喜作邪貪惡貪  
 作如是等兩舌罪無量無邊今對道場凡聖發露懺  
 悔永盡無餘懺悔已至心歸命阿彌陀佛

下接高和云

懺悔已至心歸命阿彌陀佛

高接下懺云

弟子衆等次當懺悔意業罪或起邪貪惡貪動身口  
 意業不可知數或起邪瞋動身口意業不可知數或  
 起邪癡顛倒惡見顛倒動身口意業不可知數或因  
 意業造作身業十惡之罪不簡凡聖六道衆生親疎



法華經疏  
九卷  
人畜等衆生不可知數或故作悞作常作無間作自作教他作隨喜作如是等意業罪無量無邊今對道場凡聖發露懺悔永盡無餘總懺十惡罪竟至心歸命阿彌陀佛

下接高和云

懺悔已至心歸命阿彌陀佛

此十惡卽攝一切惡盡今懺悔十惡罪者卽懺一切罪盡應知

下接高讚云

願往生願往生三界無安如火宅六道周障競出門門不同八万四各各皆當心眼前棄棄欲出還回太爲箇無明悞殺人貪財愛色無厭足虛華幻惑詐相親財盡色落相嫌恨須臾義斷若屠怨屠怨徧滿娑婆內有識含情皆亦然爲此如來偏指授勸使專修淨土因淨土因成自然到終時合掌奉香烟香烟直注阿彌陀佛聖衆持華迎我身卽坐華臺紫金色到彼無漏眞復眞衆等悲流皆願往手執香華常供養

高接下讚云

下接高讚云

劫欲等八  
句化七卷  
本抄抄出

本來已下  
至自然成  
化土卷本  
歸抄出然  
本來作歸  
本來歸家  
作歸本家

願往生願往生劫欲盡時五濁盛眾生邪見甚難信  
專專指授歸西路為他破壞還如故曠劫已來常如  
此非是今生始自悟正由不遇好強緣致使輪回難  
得度今日今時聞要法畢命為期誓堅固堅固持心  
不惜身慙愧釋迦諸佛恩標心為說西方樂欲使齊  
歸入正門正門即是弥陀界究竟解脫斷根源本來  
他鄉不可停從佛歸家還本國一切行願自然成衆  
等各各生淨土手執香華常供養

高接下讚云

願往生願往生大衆人人皆合掌碎身慙謝釋迦恩  
能得慈悲巧方便指授西方快樂門道場欲散人將  
別努力相勸斷貪瞋貪瞋因緣障聖土不得自悟永  
沈淪同行相親相策勵畢命為期到佛前願此法輪  
相續轉道場施主益長年大衆咸同受安樂見聞隨  
喜亦皆然普願回心生淨土手執香華常供養

下接高讚云

高接下讚云

又誦經唱讚已高座即令一人行香與大衆行華  
次當讚人等向行道處立又令小者唱禮供養及

如法行道唱已其散華法用一如上或三帀或七

帀竟即當佛前立次唱後讚

高座唱讚 下座和云

般舟三昧樂 願徒 大衆人人皆合掌 無量樂

般舟三昧樂 願徒 道場聖衆欲歸還 無量樂

衆等傷心共傷歎 願徒 唯知慙謝釋迦恩 無量樂

般舟三昧樂 願徒 悲喜交流潑自慶 無量樂

不因釋迦佛開悟 願徒 弥陀名願何時聞 無量樂

般舟三昧樂 願徒 荷佛慈恩實難報 無量樂

四十八願慙勤喚 願徒 乘佛願力往西方 無量樂

般舟三昧樂 願徒 娑婆永別更何憂 無量樂

無問罪福時多少 願徒 心心念佛莫生疑 無量樂

般舟三昧樂 願徒 六方如來證不虛 無量樂

三業專心無雜亂 願徒 百寶蓮華應時見 無量樂

般舟三昧樂 願徒 臨終聖衆自來迎 無量樂

行者見佛心歡喜 願徒 弥陀接手坐華臺 無量樂

般舟三昧樂 願徒 坐已身同紫金色 無量樂

從佛須臾至寶國 願徒 直入弥陀大會中 無量樂

法華經下

卷

般舟三昧樂 願佳

見佛莊嚴無數億 無量樂

三明六通皆具足 願佳

憶我閻浮同行人 無量樂

般舟三昧樂 願佳

同行相親願莫退 無量樂

七周行道散華竟 願佳

供養冥空諸佛會 無量樂

般舟三昧樂 願佳

大會頂禮別弥陀 無量樂

行道散華七周竟次向佛前立唱讚云

慙愧弥陀諸聖眾 願佳

受我施主眾生請 無量樂

般舟三昧樂 願佳

慈悲平等度眾身 無量樂

證明功德除罪障 願佳

存叻利益難思議 無量樂

般舟三昧樂 願佳

形枯命斷佛前期 無量樂

供養莊嚴不如法 願佳

布施眾身歡喜心 無量樂

般舟三昧樂 願佳

見聞流淚同懺悔 無量樂

散華行道訖 願佳

諸佛隨緣還本國 無量樂

般舟三昧樂 願佳

普散香華心送佛 無量樂

般舟三昧樂 願佳

願佛慈心遙護念 無量樂

般舟三昧樂 願佳

同生相勸盡須來 無量樂

次打磬子唱敬禮常住三寶

次唱歎佛咒願

歎佛竟卽依法唱七禮敬唱隨意

彌陀事十  
字真佛土  
卷疏抄田

竊以彌陀妙果號曰無上涅槃國土則廣大莊嚴徧

滿自然衆寶觀音大士左侍靈儀勢至慈尊則右邊

供養三華獨迴寶幔臨軀珠內輝光天聲外繞聲聞

菩薩數越塵沙化鳥天同無不徧會他方聖衆起若

雲奔凡惑同生過踰盛雨十方來者皆到佛邊鼓樂

彌歌香華繞讚供養周訖隨處徧歷親承或入百寶

池渠會或入寶樓官殿會或入寶林寶樹會或上虛

空會或入大衆無生法食會如是清淨莊嚴大會聖

衆等同行同坐同太同來一切時中無不證悟西方

極樂種種莊嚴歎莫能盡然今清信弟子某甲等尔

許多人知身假合四大共成識命浮危譬似嚴霜對

日十方六道同此輪回無際循循沈愛波而沈苦海

佛道人身難得今已得淨土難聞今已聞信心難發

今已發仰惟今時同生知識等尔許多人恐喪命同

石火久照難期識性無常逝踰風燭故人人同願共

結往生之業各誦彌陀經尔許万徧念彌陀名尔許

万徧又造某功德等普皆周備故於某月日莊嚴院

十方已下  
至今已發  
化主卷本  
經抄田

宇瑩飾道場奉請僧尼宿宵行道又以廚皇百味種  
 種甘香奉佛及以僧徒同心慶喜又願持戒誦經念  
 佛行道及造諸功德等當今施主及同行諸人法界  
 衆生從今已去天神影衛萬善扶持福命体強離諸  
 憂惱六方諸佛護念信心淨土弥陀慈心攝受又願  
 觀音聖衆駱驛往來念念無遺遙加普備春夏秋冬夏  
 四大常安罪滅福成回生淨土又願臨終無病正念  
 堅強聖衆來迎華臺普集弥陀光照菩薩扶身化佛  
 齊心同聲等讚乘臺一念即至西方見佛尊顏悟無  
 生忍仰願往生同行人等得如此善又願此功德資  
 益

大唐皇帝福基永固聖化無窮又願

皇后慈心平等哀愍六官又願

皇太子承恩厚地同山岳之莫移福命唐唐類滄波  
 而無盡又願天曹地府閻羅伺命滅除罪障注記善  
 名又願脩羅息戰爭餓鬼除飢虛地獄與畜生俱時  
 得解脫豎通三界橫括九居莫不下等出娑婆同歸於

淨土

下座唱七禮

南無本師釋迦牟尼佛等一切三寶我今稽首禮回  
願往生無量壽國

南無十方三世盡虛空徧法界微塵刹土中一切三  
寶我今稽首禮回願往生無量壽國

南無西方極樂世界阿彌陀佛願共諸衆生往生安  
極國

南無西方極樂世界觀世音菩薩摩訶薩願共諸衆  
生往生安樂國

南無西方極樂世界大勢至菩薩摩訶薩願共諸衆  
生往生安樂國

南無西方極樂世界諸菩薩摩訶薩清淨大海衆願  
共諸衆生往生安樂國

普爲四恩三友帝王人王師僧父母善知識法界衆  
生斷除三障同得往生阿彌陀佛國和上一切賢聖  
回願往生無量壽國

唱竟卽云隨意

白行者等一切時常依此法以爲恆式應知送經致

法華經疏  
三十三  
何處送至摩尼寶殿中送經致何處送至龍宮大藏  
中送經致何處送至西方石窟寶函中

安樂行道轉經願生淨土法事讚卷下

觀念阿彌陀佛相海三昧功德法門一卷

比丘善導集記

依觀經明觀佛三昧法一

依般舟經明念佛三昧法二

依經明入道場念佛三昧法三

依經明道場內懺悔發願法四

依觀經明觀佛三昧法出觀經觀佛三昧海經

觀阿彌陀佛真金色身圓光徹照端正無比行者等  
一切時處晝夜常作此想行住坐臥亦作此想每常



住意向西及彼聖衆一切雜寶莊嚴等相如對目前

應知

又行者若欲坐先須結跏趺坐左足安右脛上與外  
 齊右足安左脛上與外齊右手安左手掌中二大指  
 面相合次端身正坐合口閉眼似開不開似合不合  
 卽以心眼先從佛頂上羸髻觀之頭皮作金色髮作  
 紺青色一髮一羸卷在頭上頭骨作雪色內外明徹  
 腦如玻瓈色次想腦有十四脈一一脈有十四道光  
 從髮根孔出外繞髮羸七匝還從毛端孔中入次想  
 前光從二眉毛根孔中出向外次想額廣平正相次  
 想眉高而長相由如初月次想眉間白毫相卷在眉  
 間其毛白外實內虛出金色光從毛端而出直照自  
 身來如觀佛三昧經說若有人一須臾頃觀白毫相  
 若見若不見卽除卻九十六億那由他恆河沙微塵  
 數劫生死重罪常作此想太除障滅罪又得無量功  
 德諸佛歡喜次想二眼廣長黑白分明光明徹照次  
 想鼻脩高直如鑄金錠次想面部平滿無有唱啖次  
 想耳輪垂聾孔有七毛光從毛內出徧照佛身次想

層色赤好光明潤澤次想齒白齊密白如珂月內外  
映徹次想舌薄廣長柔軟舌根下有二道津液注入  
咽筒直入心王佛心如紅蓮華開而不開合而不合  
有八万四千葉葉葉相重一一葉有八万四千脈一  
一脈有八万四千光一一光作百寶蓮華一一華上  
有一十地菩薩身皆金色手持香華供養心王異口  
同音歌讚心王行者等作此想時除滅罪障得無量  
功德諸佛菩薩歡喜天神鬼神歡喜又抽心向上次  
想咽項圓相二肩圓相次想兩臂臚圓相次想二手  
掌平滿千輻輪相十指纖長指間網縵相甲作赤銅  
色相又抽心向上次想佛胸前平滿相萬德之字朗  
然次想腹平不現相次想臍圓孔濺相光明內外常  
照次想陰藏相平滿由如十五日夜月亦如腹背平  
處無別佛言若有男子女人多貪欲色者卽想如來  
陰藏相者欲心卽止罪障除滅得無量功德諸佛歡  
喜天神鬼神好心影護長命安樂永無病痛次想兩  
脰膝骨圓滿次想二脛如鹿王膊次想二足跟如  
象王鼻次想二足趺高如龜王背次想足十指長指

間有網縵甲作赤銅色次想佛結跏趺坐相左足安  
右腓上與外齊右足安左腓上與外齊次想二足下  
平有千輻輪相輻輞具足皆有光明徧照十方刹從  
頂上下至足千輻輪相已來名為具足觀佛色身莊  
嚴功德是名順觀又次想華座次想華臺相次想  
華葉葉葉相重八萬四千重一一葉上想有百億寶  
王莊嚴一一寶中有八萬四千光明上照佛身次想  
寶華莖八面一一方面百千衆寶莊嚴放大光明上  
下俱照次想華莖下依寶地地上衆寶皆放八萬四

千光明一一光明照佛身及照十方六道亦想一切  
光明照觸行者自身來作此想時除滅罪障得無量  
功德諸佛菩薩歡喜天神鬼神亦喜日夜隨身影護  
行者行住坐臥常得安穩長命富樂永無病痛準佛  
教得見淨土中事若見但自知不得向人說即大有  
罪橫招惡病短命之報若順教門者臨命終時上品  
往生阿彌陀佛國如是上下依前十六徧觀然後住  
心向眉間白毫極須捉心令正更不得雜亂即失定  
心三昧難成應知是名觀佛三昧觀法一切時中常

迴生淨土但依觀經十三觀安心必得不疑又自行者欲生淨土唯須持戒念佛誦彌陀經日別十五遍二年得一萬日別三十遍一年一萬日別念一萬遍佛亦須依時禮讚淨土莊嚴事大須精進或得三萬六萬十萬者皆是上品上生人自餘功德盡迴往生應知已前明觀佛三昧法

般舟三昧經請問品明七日七夜入道場念佛三昧

法出般舟三昧經

佛告跋陀和有<sub>三昧</sub>名十方諸佛悉在前立能行是

法汝之所問悉可得也跋陀和白佛願為說之多所過度安穩十方為諸衆生現大明相佛告跋陀和有<sub>三昧</sub>名定意學者常當守習持不得復隨餘法功德中最第一次行品云佛告跋陀和菩薩欲疾得是定者常立大信如法行之則可得也勿有疑相如毛髮許是定意法名為菩薩超衆行

立一念	信是法	隨所聞	念其方	宜一念
斷諸想	立定信	勿孤疑	精進行	勿懈怠
勿起想	有與無	勿念進	勿念退	勿念前